


明

書

八





明書

(二)

纂 鱗 維 傳

# 明書卷四十一

## 志二

### 方城志三

#### 山東省

山東古青兗地。冀之東境。徐之北陲。豫之支地。界兩都之間。外引江淮。內包遼海。西走趙魏。北屆滄瀛。蓋從古用武之邦。川陸孔道。畢會於德海。運既廢。遂以濟西爲餽運通衢。南盡徐邳。北達天津。歲被河患。諸築濬掌挽之役。勞無休期。而兗州水潦爲虐。疾苦益滋。青多山壑。爲盜藪。禁戢尤難。東昌地頗饒。而河工盜擾。久爲凋瘵。登萊僻在膠東。三面距海。利在魚鹽蠶績。農田亦足自贍。自明季叛孽殘毀。生氣未能驟復。大抵二東之間。密邇京甸。京儲邊餉。徵發無時。且藩祿漸滋。供億繁苦。是以終明之世。盜賊孔多。若遼陽舊隸於東。尋復直隸。太祖定屬山東布政。戶口皆於斯稽上之。亦東地也。自爲區宇。沃野腴田。方四千里。舊爲郡縣。民稱安土。設衛以來。兵戈日尋。生齒疎落。而遷徙謫戍之人歸焉。卒兵連禍繼。淪棄不守。末年僅關外九城。大凌之役。復陷死十萬衆。悲夫。因敘二東。浩然致嘆。詳志於邊關。茲不複錄。山東六郡。初年戶七十五萬三千八百九十四。人口五百二十五萬五千八百七十六。末年戶一百三十七萬二千二。

百六人口五百六十六萬四千九十九設山東承宣布政司分道四府六州十五縣八十九遼東都使司一領衛二十五衛河提舉司一

濟南道領府一

濟南府禹貢青州之城西境連冀天文危分野春秋戰國屬齊平公伐齊戰歷下漢韓信襲齊軍於歷下其地也秦屬齊郡漢初屬齊國文帝分置濟南國景帝改郡東漢仍爲國俱治東平晉移治歷城劉宋僑立冀州後魏改齊州兼置濟南郡隋罷郡存州唐仍之尋爲濟南郡宋改興德軍尋陞濟南府元爲路明爲府東有瑯琊卽墨之饒南有泰山之因西有濁河之限北有渤海之險俗多織作士敦厚闢達多大節淄之旁稍剽徂章邱古高唐鄒平古鄒國萊蕪古夾谷德州古平原唐顏真卿效死地領州四縣二十六

歷城 章邱 鄒平 淄川 長山 新城 齊河 齊東 濟陽 禹城 臨邑 長清 肥城  
青城 陵 泰安州領新泰 萊蕪 德州領德平 平原 武定州領陽信 海豐 樂陵 商河

濱州領利津 喻化 蒲臺  
海右道領府三

青州府禹貢青州之城天文虛危分野古夷鳩氏之國周禮正東曰青州蓋以土居少陽其色青故名成王滅蒲姑封太公望所謂營邱卽臨淄也秦置齊郡曰瑯琊漢置北海郡晉爲北海樂安二國地永嘉末陷於石勒南燕慕容德都焉北魏得之曰益都唐爲青州亦曰北海郡置平盧節度宋爲鎮海軍元爲益

都路明改爲青州府其地東北據海西南距岱東瑣琊西濁河四塞之固海岱間一都會也古云東西秦蓋以形勝雄武甲於諸方士好經術矜功名崇學業文物彬彬而豪悍強直風氣剛決民務農桑多剽竊

領州一縣十三

益都 臨淄 博興 高苑 樂安 壽光 昌樂 臨朐 安邱 諸城 蒙陰 莒州領沂水

日照

登州府禹貢青州之域天文危分野唐虞嵎夷所居夏斟鄩國春秋牟子國戰國齊秦屬齊郡漢屬東萊郡漢武帝宿留東萊望海中蓬萊冀遇仙其地也隋置牟州尋廢唐復牟改登州治文登又爲東牟郡宋屬京都路元屬益都明初屬萊州府後陞爲登州府其地高山前阻大海四環惟一路通萊僻在東陲土田狹隘山海曠觀差爲雄勝士崇學業人力農桑民樸野獷直頗尚氣健訟領州一縣七

蓬萊 黃 福山 樓體 招遠 萊陽 寧海州領文登

萊州府禹貢青州之域天文危分野古萊夷地春秋齊侯遷萊子於郿東故曰東萊秦屬齊郡漢爲東萊郡晉爲國隋唐爲萊州或爲東萊郡宋因之元爲路明爲萊州府其地羅山瓦其東濰水阻其西神山距其南渤海圍其北土疎烏鹵襟帶山河風土甲於青齊人性剛強士多文雅俗稱樸質而勇悍之氣見於眉宇矜功名尚闘訟高密爲平仲封邑漢膠西國沙邱在掖縣地領州二縣五

掖縣 平度州領濰 昌邑 膜州領高密 即墨

東兗道領府二

兗州府禹貢徐豫兗三州之城天文奎婁分野周爲魯國秦薛郡地漢爲魯國及泰山山陽郡東漢爲任城國兼置兗州晉爲魯郡北齊改任城郡隋唐兗州或魯郡後爲泰甯軍宋宣和改襲慶府元爲兗州隸濟甯路明爲兗州府曲阜古窮桑地神農少昊之都周武王以封周公鄒古邾滕古小邾嶧古鄫金鄉古緡魚臺故棠邑單故單父曹古豫州域武王封叔鐸曹縣東北二十里漢高帝卽位於定陶汜水之南是也鉅野古澤禹貢謂大野旣瀦者東平古句須國平陰春秋魯襄公會伐齊齊侯禦諸平陰陽穀爲齊宋江黃所會之地鄒古鄒子國其地東盤瑯琊西控鉅野北走厥固南馳互鄉河濟間一都會也有大聖人之化尙禮義重廉恥君子絃誦爲習小人桑麻爲業然下邑多鄙野領州四縣二十三

滋陽 曲阜 審陽 鄒 泗水 滕 嶧 金鄉 魚臺 單 城武 曹州領 曹  
定陶 濟甯州領嘉祥 鄄城 鉅野 東平州領汶上 東阿 平陰 陽穀 壽張 沂州領  
郯城 費

東昌府禹貢兗州之城天文危室分野春秋齊西鄙聊攝之地戰國爲衛齊趙三國之交秦屬東郡平原清河三郡之地晉屬平原國宋置魏郡隋唐爲博州屬河東宋仍之屬河北元爲博州路尋改東昌路明初改府濮州古顓頊之墟曰帝邱夏昆吾氏所居春秋衛成公都焉東爲雷澤曰姚墟舜生地高唐館陶之間有潔馬頰故道其地要衝土平衍漕河所經俗好稼穡士讀書懷義有古風烈獨濮染昆吾遺意諂

僂狡悍士夫尤多詐而難信領州三縣十五。

聊城 堂邑 博平 莒平 清平 莘

冠 臨清州領邱 館陶 高唐州領恩 夏津

武城 濮州領范縣 觀城 朝城

山西省

山西古并冀州地。太行左峙。黃河右繞。五原錯落。四塞森羅。背臨朔漠。表裏河山。有俯搃中州之勢。百水南流。俱朝崤函。所以常受制於秦也。省治太原古晉陽。并爲唐南京。忻代以北。邊患日尋。鴈門偏頭甯武並置關戍。保德河曲之西。與套虜盈盈一水。蓋不止大同爲要衝矣。汾潞之間。民稠地狹。逐末四方。并擁雄富。平陽曠邈。山溪四環。終明之世。未罹禍害。至蔚之鑛盜。臨晉之屯卒。潞城之逋民。多雜而難理。蓋惟其儉嗇褊急。果毅任氣。所以輕去其鄉。鷺利棄家大約供邊餉。給宗藩。仰給河東鹽課。不敷皆取諸閭左。未季實多勞瘁矣。初年戶五十九萬五千四百四十四。人口四百七萬二千一百二十七。末年戶五十九萬六千九十七。人口五百三十一萬九千三百五十九。設山西承宣布政使司。分道四。領府五。州十有九。縣七十有九。

冀甯道領府一。

太原府禹貢冀州之域。天文參井分野。古唐國。高辛氏子實沈臺駘所居。堯封唐侯。舜以冀州地廣。分并州置牧焉。周以封太叔虞。曰晉。晉亡爲趙。秦置太原郡。兩漢因之。武帝置并州。魏爲太原國。隋爲郡。唐起

義於此曰北都後爲并州大都督府改太原府天寶號北京北漢劉旻據之宋平北漢墮其城徙治榆次元置太原路後改冀甯路明仍爲太原府其地左恆山甸注之險右阻大河北方山南孟門襟四塞控五原自古爲廣阻之國一都會也岢嵐晉以後爲樓煩胡所據趙滅之縣其地祁縣古昭徐祁藪也民醕樸儉素士好學北陲尙武勇善治生多藏蓄領州五縣二十無所領

陽曲 太原 榆次 太谷 祁 徐溝 清源 交城 文水 壽陽 孟 靜樂 河曲  
平定州領 樂平 忻州領 定襄 代州領 五臺 繁峙 崇寧州領 嵩 崇寧州領 崑 興 保德州

河東道領府一

平陽府禹貢冀州之域天文觜參分野堯都平陽春秋屬晉戰國屬韓後屬趙秦漢爲河東郡地三國魏始置平陽郡隋改平河唐改晉州又爲平陽郡五代置定昌軍節度改建雄軍宋因之宣和中陞平陽府元爲路尋改晉甯明復爲平陽府洪洞古揚侯國晉滅之賜羊舌氏趙城穆王以封造父曲沃晉文侯弟成師封邑冀城晉絳邑蒲坂舜都臨晉古桑泉榮河古綸國夏后少康起於此魏汾陰猗氏古郇伯國文王子封地河津古耿國殷祖乙都焉聞喜實古曲沃平陸古虞芮故芮絳晉新田也稷山春秋晉侯治兵於稷安邑禹所營吉州古屈夷吾所居隰州古蒲重耳所居夏有夏城垣曲有毫城禹湯所都其地背倚山險南帶大河接汾晉揖關陝水陸形勢實天下要區俗有堯之遺風崇禮讓儉樸無華憂深思遠多勇

敢好積蓄士彬彬有儒風民好逐末領州六縣二十八

臨汾 襄陵 洪洞 浮山 趙城 太平 岳陽 曲沃

翼城 汾西 蒲 蒲州領臨晉

榮河 猶氏 萬泉 河津 解州領安邑 夏縣 聞喜 平陸

芮城 絳州領稷山 緯

垣曲 霽州無所領 阳州領太甯 永和 吉州領鄉甯

靈石

冀北道領府一

大同府禹貢冀州之城周爲并州天文昴畢分野春秋北翟居之戰國屬趙秦置雲中城北長城土紫曰  
紫塞東漢末郡廢晉屬鴈門後魏徙都平城置代尹隋屬馬邑唐初復置北恆州治雲中尋廢後改雲州復雲中郡置大同軍節度石晉沒於契丹號西京五代唐曰大同遼爲西京府元置路明爲府城東白登城西爲單于臺古代國廣昌爲飛狐口其地北臨廣野東西碣石柏梯凌峙縣瓦千里爲燕京藩屏用武之國俗質樸剛武驕悍守業力穡尙力習武府城五方之人聚焉俗稍華侈競聲色鬪妍冶天下恆邊色於此領州四縣七

大同 懷仁 漢源州無所領 應州領山陰 肅州領馬邑 蔚州領廣靈 廣昌 靈邱兩總末年省  
一曰靈昌尋

分

冀南道領府二州三

潞安府禹貢冀州之城天文參井分野商黎國西伯所勘也周爲赤翟潞子國戰國初屬韓別都後屬趙秦置上黨郡晉徙治潞後周置潞州領上黨襄垣二郡隋廢唐復潞州又爲上黨郡後置昭義軍節度屬河東五代置匡義軍宋改昭德軍陞隆府明初爲潞州後改潞安府其地極高與天爲黨故曰上黨居天下之脊當河朔之喉肘京洛而履蒲津倚太原跨河汾河東雄境俗勤樸醕古士尙氣節而務學民力農逐末能離鄉井領縣八

長治 長子 屯留 襄垣 潞城 壺關 平順 黎城

汾州府禹貢冀州之域天文參分野趙西河地吳起所謂美哉山河之固也秦漢皆太原郡地三國魏置西河郡治茲氏晉爲國後魏置汾州治蒲子後移西河後齊治南朔州後周改介州唐改浩州宋改汾州西河郡金置汾陽軍節度元屬太原路明初爲州萬曆初陞爲府設汾陽縣割太原之臨縣永甯州甯鄉平陽之靈石屬焉尋還靈石於平陽其地山川峭拔生齒繁衍士好文尙信民勤儉好賈領州一縣七

汾陽 孝義 平遙 介休 石樓 臨 永甯州領甯鄉

遼州禹貢冀州之域天文參井分野春秋晉戰國韓後屬趙秦漢屬上黨郡後魏爲遼陽郡隋曰遼山唐改遼州尋改箕州又改儀州宋復遼州元因之明仍爲遼州直隸山西布政司其地多山谷險峻深窅地少平夷居太行之巔民信實而悍俗厚少文領縣二

榆社 和順

沁州禹貢冀州之域天文井分野春秋晉銅鞮地戰國先韓後趙秦漢爲上黨地魏置義甯郡隋廢郡置沁州又爲義慶郡唐復沁州後改陽城郡宋曰威勝元爲沁州明因之其地銅鞮案其前龜山鎮其後萬峰攢列氣寒而僻趙奢破秦軍闕與卽此地俗專農事重去鄉異於他郡直隸山西布政司領縣二

沁源 武鄉

澤州禹貢冀州之域天文觜參分野春秋晉戰國趙長平地漢分屬上黨河東二郡後魏置建興軍隋爲建州唐改澤州又爲高平郡又改長平尋徙治蓋州宋元爲高平明復爲澤州直隸山西布政司其地有太行之險固爲東洛之藩籬山高澗深道路狹隘俗力本好義敦樸多藏稱爲饒富性質豪岸少委曲重儒術領縣四

高平 陽城 陵川 沁水

河南省

河南古豫兗二州之城冀之南境徐之西北陲當天下之中閩闥方夏四國輻輳河流中貫淮衛爲輔而開封其都會也北下衛漳達京圻東沿汴泗轉江淮車馬舳艤可以交會雖險塞不及關中而水陸道里故聖王謂之適中第河患日急終爲淪胥彰德控趙魏懷慶連晉冀衛輝淇汲平臨四會可謂要區河南嵩洛環拱上合垣星古人建都蓋有見於蔽山南而扼河北稱形勝焉汝甯南陽下蘄黃入襄鄖又與江淮相表裏而歸德睢陳之間地兼數省直走毫穎微徐諸山澤姦人常藉以首難雖彰懷亦連他省然控

制差易。若考中州之地。山水環互。民物茂實。則汝甯爲優。至鑄山獵野。依憑險固。強弓利弩。出於其間。則河洛爲著。明則分封。徧河南宗祿日增。而輪轂經歷日煩。汙足。民生孔勞。及流寇發難於關西。漸蠹食中土。兵戈十餘年。烽火郊原。荒榛喇叭。向來民物繁集。皆爲狐鬼紛嘯之鄉。過客傷心。言之可爲墮淚。大抵國家腹既病。則肢體困痺耳。悲夫。追往事者。未嘗不致恨於有用兵之責者。初年戶三十萬五千六百一十七。人口一百九十一萬二千五百四十二。末年戶六十三萬三千六百六十七。人口五百一十九萬三千六百二。設河南承宣布政使司。分道四領府八州十有二縣九十有七。

### 大梁道領府二

開封府禹貢兗豫二州之域。天文角亢分野。春秋鄭衛陳之境。戰國魏惠王自安邑徙都之。秦屬三川郡。漢置陳留郡。晉改國。東魏梁州及陳留開封二郡。北齊併入陳留郡。郡城魏惠王築。秦攻魏。引河水灌而拔之。隋引河通淮漕。引汴水。唐置汴州。天寶初改復陳留郡。五代梁都之號東京。置開封府。晉漢周因之。宋建都於此。廣皇城。因洛陽宮殿爲之。而始壯麗。陷於金。元改爲南京。元改汴梁路。明復爲開封府。崇禎末年。河決開封。死者數十萬。移治權頭。而終不城郭。陳留杞國。陽武秦博浪地。延津鄭廩延。戰國爲韓都。陳州伏羲都。曰太昊之墟。周以封舜。後媯滿於此。許州許國。漢韓國。漢獻帝都許昌。襄城古汜邑。周襄王出居焉。長葛春秋宋人伐鄭。取長葛。鈞爲禹封邑。春秋鄭櫟。周封黃帝後於此。曰鄆。滎陽古號滎古澤也。河陰古鴻溝。汜水鄭虎牢。漢成皋。大抵其地爲天下要衝。四通八達。岡阜繚繞。夙號龍盤虎伏。然爲南北

爭場用武之地人稟中和之氣事詩書右武習豪重節義勤耕織風物繁侈中天都會領州四縣三十。  
祥符陳留杞通許太康尉氏洧川鄢陵中牟扶溝陽武原武封邱。  
延津蘭陽新鄭儀封陳州領商水西華項城沈邱許州領臨潁襄城郾城。  
長葛禹州密鄭州領榮陽榮澤河陽汜水。  
歸德府禹貢兗豫二州之域徐之西境天文角亢分野古商邱地高辛氏子闕伯所居周封微子啓爲宋戰國齊楚魏三分其地秦碭郡漢梁國隋置宋州唐因之尋改睢陽郡五代梁爲宣武軍節度宋陞爲南京應天府屬京西路金爲歸德府更宋城曰睢陽元因之明初降爲州後復府寧陵古葛伯國虞城商均封地柘城古朱襄氏邑卽陳株林其地控河面淮聯蕭接碭廣衍膏沃俗重厚多材頗豪斂力穡尙氣多致富藏領州一縣八。

商邱寧陵鹿邑夏邑永城虞城睢州領考城柘城。

河南道領府一。

河南府禹貢豫州之域天文柳分野武王克商定鼎於鄭鄆至成王營成周卜澗水東瀍水西宅洛邑焉爲王城又於瀍水東遷殷頑民居之曰下都平王因犬戎之亂自鄆徙都之曰東周秦置三川郡漢置河南郡光武都之置河南尹司隸焉魏爲司州晉亦以都故置尹苻秦改豫州魏孝文自代徙都之後東西魏分其地唐置洛州後改河南府宋爲西京金號中京元爲河南路明更爲府偃師帝饗都成湯居西毫

卽此盤庚復都之孟津卽武王誓師之地宜陽召伯聽訟之所登封古陽城禹避舜子於此嵩縣古伊闢秦晉遷陸渾戎於此陝州古虢國卽漢宏農都也其地南望三塗北望嶽鄙汎洛背河左伊右瀍函谷咽喉三河鼎足爲天地之中其俗忠義疊見刑訟清簡士知詩書民迫營養行誼純樸不事華侈生性悍率傲然遺人領州一縣十三

洛陽 僊師 翁 孟津 登封 宜陽 永寧 新安 滾池 嵩 盧氏 陝州領靈寶  
閼鄉

汝南道領府二州一

南陽府禹貢豫州之域天文張分野本夏禹之國周爲申伯鄧侯所封春秋楚戰國韓秦取韓地自漢以北置南陽郡治宛漢屬荊州晉爲南陽國宋齊并爲郡隋罷郡置鄧州唐仍之尋爲南陽郡宋屬京西南路金置申州元爲南陽府明因之其地北有成皋之固西有商阪之阻東有宛穰受淮海之饒南爲襄漢藩籬諸葛以爲用武之國士敦詩書民務耕稼尚氣多賈純樸碑質有古風女好遊以近漢俗也領州二

縣十一

南陽 鎮平 唐 泌陽 桐柏 南召 鄧州領內鄉 新野 淅川 裕州領舞陽 葉

汝寧府禹貢豫州之域天文角亢氏分野春秋沈蔡二國地戰國楚魏分境漢汝南郡劉宋立司州以汝水曲如懸瓠號曰懸瓠魏太初力攻不能拔者也後魏改豫州東魏置行臺周置總管府唐復因隋爲豫

州後置汝南郡。改蔡州元和中吳元濟以蔡叛李愬夜入城誅之宋爲淮康軍節度元爲蔡州陞汝寧府明因之汝陽沈國上蔡蔡國信陽申國確山江國光山弦國其水繫紓其地平舒襟淮振穎爲四方之最中故有天中山人性躁勁風氣果決士兼質文民俗醇樸而豪右強競每苦閭細領州二縣十二

汝陽 真陽 新蔡 上蔡 西平 遂平 信陽州領羅山 確山 光州領光山 固始 息

### 商城

汝州禹貢豫州之域天文張分野春秋鄭戰國韓後屬魏秦屬三川郡漢屬河南後周改和州隋始更汝州唐因之後置臨汝郡又曰伊州宋又改汝州屬京西北路金爲刺郡元仍汝州屬南陽明初屬汝寧後直隸河南布政司其地右臂三塗左槩嵩岳面據衡陰背倚王屋浸以陂澨演以滎洛士漸學業民事耕桑領縣四

魯山 郏 寶豐 伊陽

### 河北道領府三

彰德府禹貢冀州之域天文室璧分野殷王河亶甲徙都之春秋晉東陽魏鄴地秦上黨邯鄲二郡地漢置魏郡治鄴東漢徙冀州於此曹操封邑石虎慕容儁東魏北齊俱都焉後周改相州及魏郡治安陽唐仍相州五代爲彰德軍節度宋復相州元改路明爲彰德府安陽古洹水湯陰古羑里臨漳魏文侯初封邑其地旁極齊秦跨躡燕趙地土廣衍有清濁二漳經其境爲天下要衝海內有變先被兵得京洛之風

俗稱醡古人尚英雄勤於營生儉於用度領州一縣六

安陽 湯陰 臨漳 林 磁州 武安 涉

衛輝府禹貢冀州之城天文室壁分野殷紂所都朝歌地也武王平殷分其北爲邶西爲鄘東爲衛封康叔焉戰國魏秦屬河東漢屬河內曹魏置朝歌郡屬冀州晉改汲縣後魏徙郡治枋頭而於此置義州尋廢唐復義州改衛州又爲汲郡屬河北元爲衛輝路明改爲府汲牧野胙城古胙國周公別子封地輝古共國其地左孟門右太行南臨大河西連上黨蘇門百泉擅山水之秀爲要衝地士向學有文采人剛武尙力俗饒裕勤於耕耘重義氣疎財賄有古人之風領縣六

汲 賂城 新鄉 獲嘉 淇 輝

懷慶府禹貢冀州之城天文室壁分野古覃懷地殷爲畿內周三監後屬晉戰國爲魏衛鄭三國分境漢初爲殷國尋改河內郡置野王縣後魏置懷州隋爲郡唐爲州尋復河內郡宋因之屬河北西路元改懷孟路又更懷慶路明改府山川延袤雄跨衛孟舟車都會號爲陸海其俗崇儉固息侈肆士頗知舊風稍鄙陋田多半在山谷間故耳領縣六

河內 濟源 修武 武陟 孟 温

陝西省

陝西古雍州地梁州北境爲周王畿山河四塞神皋奧區所謂天下之勢秦得百二形勝甲於天下秦漢

盛唐都焉。西安東扼崤函。北帶河流。八水瀆環。終南表闕。生齒繁盛。百貨走集。關中大都會也。平涼固原。豐草曠野。畜牧蕃滋。而外乏屏蔽。虜騎飄來。頻年蹂躪。羣鳳延慶間。士馬精強。號爲雄劇。寧夏跨有賀蘭。黃河之險。別爲一區。水穀自饒。爲備較易。所以河西蘭州之地。山水秀麗。洵矣樂土。自移鎮榆林。而後河套盡棄。烽火達內郡矣。斥堠之封漸蹙。世宗時議復議征。皆不果。而任事者殘。不亦悲乎。甘涼左番右虜。勢處孤危。而洮岷錯入於番夷之外。稍有不虞。則西海之濱爲戰場矣。鳳沔回種繁盛。無賴姦頑。多逃匿於內。時有可憂。若漢中關河險阻。棧路逶迤。昔李自成困阨於中。總督陳奇瑜大兵雲集。不卽掃除。誤聽姦謀。放之出柙。遂致燎原。終使鼎籙淪喪。識者未嘗不致恨於斯人也。明末流寇之起源於延安。七載嘵駢。有司不爲撫循。而且掊削之。以致黨結禍生。不可撲滅。嗟哉。大約秦人彊武擴悍。非他省比。易亂而難  
馴。况凋瘵蕭條之後耶。初年戶二十九萬四千五百二十六。人口二百三十一萬六千五百六十九。末年戶三十九萬四千四百二十三。人口四百五十萬二千六十七。設陝西承宣布政使司。分道六領府八州。二十一縣。九十四都。司行都司各一。領衛三十有九。所十六儀衛羣牧八。

### 關內道領府一

西安府禹貢雍州之城。天文井鬼分野。周武王克殷都豐鎬。豐在豐水鎬其東。皆在長安界。曰宗周。平王東遷以賜秦。秦并天下。置內史。漢改京兆尹。左馮翊。右扶風。爲三輔。晉魏周隋以至唐。皆建都焉。唐末爲佑國軍。五代改永平軍。宋仍京兆府屬永興軍。元改安西路。又改奉元。明爲西安府。咸陽秦孝公居臨

潼古驪戎國幽王死焉漢新豐秦卽左鄆有扈國殷崇國右輔地爾雅山曲曰盩水曲曰厔商契始封邑同州漢左輔治朝邑古蒲關白水古彭衙韓城古少梁華州鄭桓始封曰咸林乾州唐奉天武功古邰禹貢所謂惇物也邠州古西戎地公劉居之曰豳其地左崤函右蜀隴中膏田沃壤號爲陸海終南障之南有巴漢之饒北有胡苑之利古稱金城千里天府之國其俗五方雜處尙氣槩先勇力勤於耕蠶習俗醡模務從儉約士多儒流英豪輩出藍田左右山鄙亢厲而與省會繁富則天淵矣領州六縣三十一

長安咸寧咸陽興平臨潼高陵郿藍田涇陽三原盩厔渭南商州領鎮安洛南商南山陽同州領朝邑邵陽澄城白水韓城華州領華陰蒲城耀州領同官富平乾州領醴泉武功永壽邠州領湧化三水長武

關西道領府二

鳳翔府禹貢雍州之城天文井鬼分野周岐雍地秦故都漢屬右扶風三國魏爲扶風郡屯重兵陳倉諸葛亮攻之不下者也後魏置平秦郡兼置岐州又爲扶風郡置鳳翔節度隋岐州唐復鳳翔又爲西京五代改關西郡宋爲秦鳳路元爲鳳翔府明因之其地岐及梁山奠其東北岍與吳山瓦其西南敍谷如犬牙五丈原如長蛇襟帶環合一大都會雄博差次長安寶踰諸郡民厚重質直鮮惰習勤稼穡喜射獵士多儒雅風古而峭勁領州一縣七

鳳翔岐山寶雞扶風郿麟遊

隴州領汧陽

平涼府禹貢雍州之域天文井鬼分野春秋爲朝那秦屬北郡漢析置安定郡晉徙治臨涇屬原州隋爲安定郡又析置平涼郡唐初屬原州詩所謂至于太原也宋改涇原路置經略安撫使金元爲平涼州明陞爲府其地山川險拔襟帶中華水土雜於河西人煙接於北境旁扼夷落咽喉靈武控制西陲實爲要地俗醕樸近古士尙氣略人以騎射爲業頗務耕織悍直其本性也領州三縣七

平涼 華亭 鎮原 崇信 固原州無領 涇州領靈臺 靜寧州領莊浪 隆德

關南道領府一

漢中府禹貢梁雍二州之域天文井鬼翼軫分野周褒國周衰鄭桓公沒於犬戎民南奔居焉曰南鄭始朱齊梁後魏皆以梁州治漢中隋爲漢中郡唐復梁州改褒州尋復德宗陞爲興元府宋仍之元爲路明改漢中府其地東接南郡西接陰平南連漢廣北扼秦川崖谷峻絕數里百折爲成都喉嗌巴蜀屏捍天下之險地有三此其一也風氣強梁直樸無文務農習射人多英武領州二縣十四

南鄭 襄城 城固 洋 西鄉 凤 寧羌州領沔 略陽 興安州領平利 石泉 淘陽  
紫陽 漢陰 白河

河西道領府二

慶陽府禹貢雍州之域天文井鬼分野周先公不窩所居號北豳春秋爲義渠戎秦滅義渠以其地屬北

地郡漢因之東漢至晉復爲戎有後魏置朔州唐爲慶州後改安化郡已復改順化又復慶州陞安定軍宋因之范仲淹築大順城其地也於是合環州爲環慶路後爲慶陽軍節度又陞府元置路後爲府明因之其地原阜列峙溝澗輻輳爲關輔保障民浮士慾勇武多材俗尚耕獵人多穴處領州一縣四

安化 合水 環 寧州領真寧

延安府禹貢天文同慶陽春秋白翟地秦屬上郡項羽三分秦地以董翳爲翟王都高奴其地也漢初置翟國尋屬上郡晉陷於戎後魏爲統萬鎮未幾置金明郡後改延州唐因之或爲延安郡爲衛國軍節度五代改忠義軍後更爲彰武軍宋初因之元祐中陞延安府鄜延路屬永興軍路元改延安路明爲府其地爲三水所會五路襟喉倚山爲城因河爲塹形勝之區人勤稼穡俗尚鬼神儉而不靡性樸直好武勇忠義輩出領州三縣十六

膚施 安塞 甘泉 安定 保安 宜川 延川 延長 清澗 鄜州領洛川 中部 宜君  
綏德州領 米脂 蘆州領吳堡 神木 府谷

隴右道領府二

鞏昌府禹貢天文同慶陽春秋戎羌所居秦取之屬隴西郡東漢分置南安郡魏分改隴西郡治襄武南安郡治獮道後魏增置安陽爲三郡兼置渭州唐仍之中陷於吐蕃宋皇祐中置右衛寨崇寧中改鞏州金始爲鞏昌府元改路明爲府其地接壤戎羌通道隴蜀背山面池土地險阨得兩戒山河之首伏羲所

生之地俗尚氣力俚而不澆禮循古制好獵重農尤多蓄牧領州三縣十有四

隴西 安定 會寧 通渭 漳 寧遠 伏羌 西和 成 秦州領秦安 清水 禮

階州領文 徽州領兩當

臨洮府禹貢天文同慶陽春秋戰國皆羌地秦漢爲隴西郡趙充國擊羌屯金城馬援破先零於臨洮其地也晉析置狄道郡六季爲武始臨狄金城郡唐置臨洮軍寶應中陷於吐蕃宋爲鎮洮軍尋改熙州治狄道金元爲臨洮府明因之其地境接巴蜀地控邊陲山勢聳峻土田肥美南皋蘭北黃河有長城之勢俗勁質木彊喜武務農文雅之風殊遜他郡惟蘭州風物流美有江表之觀領州二縣三

狄道 渭源 蘭州領金 河州無所領

西寧道領衛五

寧夏衛禹貢雍州之域天文井鬼分野亦羌戎地秦屬上郡漢置朔方郡晉亂赫連夏據有其地後魏周隋爲夏州尋分爲宏化懷遠朔方郡唐爲靈武郡肅宗卽位於此曰靈州宋拓跋思恭鎮夏州遂據之其孫德明城懷遠爲興州以居所謂西夏也元置寧夏路明初更爲府後廢府設衛隸陝西都司其地黃河東繞賀蘭西聳倚河津近重塞爲西陲巨屏人以技藝趨利畜牧爲資好武信鬼尚詛祝敢戰鬪領衛五

寧夏前衛 左屯衛 右屯衛 後衛 中屯衛

寧夏中衛古靈州地元初置應理州明建寧夏中衛領州五左右中前後其地東阻河西據沙山邊陲保

障人性勇悍同寧夏。

洮州衛軍民指揮使司禹貢雍州之域天文井鬼分野古爲諸戎所居後吐谷渾據有之後周始置洮陽郡唐爲洮州李西平生其地唐末陷吐蕃曰臨洮城宋復置洮州明改置衛領千戶所五其地西接番戎東蔽湟隴險阻之區人性勁悍衣褐食肉以射獵爲生去戎習幾希耳。

岷州衛禹貢天文同洮州古西羌地秦屬臨洮西魏始置州尋爲同和郡唐改和政後復爲岷州宋置西和州元於祐川置宣慰明改爲岷州衛領千戶所四軍民千戶所一堡八。

西固城軍民千戶所

河州衛古西羌地秦漢屬隴西郡隋曰抱罕唐改河州又爲安鄉郡宋改寧河縣元爲路明初爲府後改爲衛其地東繞洮河西峙積石雪嶺盤鬱黃河旋束人番漢雜居好佛尚武領所七堡二十四

左所右所中所前所後所中前所歸德守禦所

靖虜衛屬邊道古西羌地秦漢屬隴西後屬金城後魏曰會寧唐更爲粟州宋改敷文州元因之明更爲

文縣守禦千戶所直隸陝西都司周爲雍州地戰國爲氐羌所有漢開西夷置廣漢郡晉更陰平隋置武都郡唐更文州宋曰利州元改屬鞏昌明初置縣尋爲軍民所其地左山右江邊陲要地東接漢中爲蜀咽喉士稍知書習雜氐羌人性剛勇士瘠民貧力農不贍濟之以畋獵

陝西行都司古月支國後爲凶奴所據漢武帝時始拓置酒泉武威張掖金城敦煌五郡斷匈奴右臂所謂河西五郡也宋末張軌據此爲前涼呂光繼之爲後涼及李暠遷酒泉爲西涼沮渠蒙遜據張掖爲北涼後入魏爲甘州唐屬隴右郡尋淪吐蕃宋金爲西夏所據元立甘肅路明置陝西行都指揮使司統軍民其地萬山環抱三峽重圍地志以爲涼州險絕土饒沃翼以祁連合黎之山浸以居延鮮卑之水爲羌戎通達民俗質樸綽有華風人性慷慨崇釋教習兵事穴居者甚多以織褐爲業領衛十二所二

甘州中

甘州左

甘州右

甘州前

皆故昆邪王地  
古張掖居延

甘州後

肅州

古酒泉  
丹

山丹

古刪

永昌

西涼  
古姑臧

鎮蕃

威武

莊浪

尤吾

西寧

湟中

鎮夷所

古浪所



# 明書卷四十二

志二

方域志四

四川省。

四川古梁州地荆之西鄙中長川沃野擅山林竹木穀粟蔬果織作染練之饒劍閣表雲棧之固瞿塘扼巴峽之流界以番族阻以蠻部山水襟束自相藩籬坤維井絡斗絕諸夏故姦雄竊據則兵莫西窺以地饒而險扼備耳山川綢繆實爲天險而成都其都會也第姦宄內作懸車束馬壹不相及有難猝定者矣以故松疊威茂安縣敍夔明朝皆宿重兵蒞以憲臣而彈壓之獨松潘以孤城界在番域而寄咽喉於龍州千里轉輸每爲夷梗烏撒芒部諸地雖犬牙形格仰我鼻息然內相黨結數起兵端且於敍瀘有唇齒之重指臂之形寶川南重地若碉門之腋視諸番播州之富藏四省殆興全蜀爲盛衰建昌六衛僻處西徼自爲奧區民夷安業明末爲張獻忠殘毀終世不復遂成灌莽虎豹縱橫繁聚殷田非復昔比而蜀不堪復問茲特紀其盛時云爾初年戶二十一萬五千七百一十九人口一百四十六萬六千七百七十八末年戶二十六萬二千六百九十四人口三百一十萬二千七十三設四川承宣布政使司分道四領府

九軍民府四州二十一縣百有十四設都司二領衛二十二守禦所二十四宣撫司三招討司一安撫司八長官司四十七

川西道領府一

成都府禹貢梁州之城天文井鬼分野黃帝子昌意娶蜀山氏女生帝譽因封其支庶於蜀秦并之爲蜀郡漢分置廣漢郡武帝置益州蜀郡隸焉蜀先主都之於益州置牧蜀郡置守晉改爲成都國尋復蜀郡唐復益州及劍南節度祿山亂玄宗幸蜀號成都曰南京五代王建孟知祥據其地宋爲益州路元因之元末明玉珍據之都重慶號大夏明太祖以大將軍友德破之玉珍子昇來歸定爲成都府其地沃野千里天府之國華陽西極黑水南流西抗吐蕃南扼蠻獠岷嶓奠麗爲天下雄藩民饒魚稻無凶年俗不愁苦多工巧綾錦雕鏤之物被天下昔置錦官主之曰錦官城人好逸樂士多文雅善談論女淫而不檢諸郡皆然領州六縣二十五

成都	華陽	雙流	溫江	新繁	新都	金堂	仁壽	井研	郫	資	內江	灌
彭	安	崇寧	簡州領	資陽	崇慶州領	新津	漢州領	什邡	縣竹	德陽	縣州領	彰明
羅江	茂州領	汶川	威州領保									

川北道領府二州一

保寧府禹貢天文同成都古巴國秦巴郡地漢晉巴西郡徙治閬中梁爲北巴郡兼置南梁州西魏改南

梁曰隆中。又更北巴曰盤龍郡。唐復隆州。改閬中郡。五代唐置保寧軍。宋改安德軍。元陞保寧府。尋改路。明定爲府。地在劍南巴峽。羣山礲確。中爲梁洋梓益之衝。前界關表。後倚劍閣。棧道千里。緣山爲門。爲蜀吭要地。士文雅貪譎。土風醇厚。民多豪武。領州二縣八。

閬中。蒼溪。南部。廣元。巴州領通江。南江。劍州領梓潼。昭化。

順慶府禹貢梁州周雍州之城。天文參井分野。秦屬巴郡。漢分充國諸縣。晉屬巴西。劉宋析置宕渠郡。隋廢復巴西。唐置果州治南充。改充州。五代蜀置永寧軍節度。宋以充州隸梓州路。南宋陞順慶府。元改路。明復爲府。其地南連巴徼。北挹通川。山川迴環。形勢峭邃。賓人剽勇士俗質陋。喜賈好禱。士多儒術。領州

二縣八。

南充。西充。蓬州領營山。儀隴。廣安州領渠。大竹。岳池。鄰水。

潼川州禹貢梁州之城。天文井鬼分野。秦屬蜀郡。漢晉宋齊並屬廣漢郡。梁置新州。西魏置長城郡。隋梓州。唐因之。或爲梓潼郡。宋改靜戎軍。尋改安靜。已又更劍南升爲潼川府。元爲州。明因之。直隸布政司。其地左帶涪水。右挾中江。沃野膏壤。水陸要會。人性輕揚。喜虛稱。尚奢靡。女淫而好音樂。士通詩書。領縣七。射洪。鹽亭。中江。遂寧。蓬溪。安岳。樂至。

川東道領府二。

重慶府禹貢天文如成都。周巴子國。曰三巴。秦置巴郡。漢因之。晉爲巴都郡。宋齊復巴郡。治江州。今江津

也。後或爲楚州。又爲巴州。隋改渝州。唐因之後。改南平郡。五代爲蜀。宋改爲恭州。尋陞重慶府。元置路。明初。明玉珍號夏都。此明復改爲府。其地接魚復。聯僰道。背漢中。面夜郎。承三江之會。五溪雜聚焉。俗半楚風。剛悍尚武。人多姿態。銳氣善舞。信鬼勤禡。士習詩書。尙儉素。領州三縣十七。

巴江津長壽大足永川榮昌綦江南川黔江安居璧山合州領銅梁涪州武隆彭水

定遠

忠州領鄖都

墊江

涪州

武隆

彭水

夔州府禹貢荆梁二州之地。天文軫翼分野。古庸國魚復之地。春秋庸國。秦屬巴郡。漢置永寧郡。號曰帝城。又曰巴東。蜀漢曰固陵。梁改信州。唐改雲安郡。宋元曰夔州。明陞爲府。地據荆楚上游。當全蜀之口。鎮以灔澦。扼以瞿塘。憑高控深。咽喉楚蜀。土風拙樸。任俠尚氣。好遊如楚俗。火耕信鬼。領州一縣十一。

奉節巫山大昌雲陽大寧萬開新寧梁山建始達州領東鄉太平

川南道領府四軍民府四州五餘皆文隸焉不屬

敍州府禹貢天文如成都。古僰國。漢置犍爲郡。高縣。古夜郎國也。梁置戎州及六同郡。唐爲戎州。改南溪郡。宋改敍州。取西戎卽敍而名。元爲路。明改爲府。其地東瀘水。西大峨。南通六詔。北接三榮。多產大木。風則夷夏雜居。士靜而文。民愿而樸。稍爲澆漓。亦習使然。領縣十。

宜賓慶符富順南溪長寧高筠連興文珙隆昌

馬湖府禹貢梁州之域。天文鬼分野。亦古僰國。從古爲夷獠所居。漢武通之。始置郡。屬犍爲。改牂牁。唐改

馬湖宋元因之明爲府其地雜戎瀘間北走普資地狹民稀高峻水急爲夷夏錯處之方俗慙而鄙信鬼不醫領縣一長官司四

屏山萬歷中置縣泥溪平夷蠻夷沐川

嘉定州禹貢天文同成都漢爲蜀犍爲二郡地晉因之後爲平羌郡唐爲嘉州復爲犍爲郡宋因之尋爲嘉定府又爲軍元陞爲府明更爲州直隸布政司其地負峨帶江孤清挺秀水陸要衝人生秀雅慕文學民良俗樸勤穡畏訟領縣六

峨眉洪雅夾江犍爲榮威遠

鎮雄軍民府禹貢天文同成都古爲屈流大雄甸昔烏蠻之裔芒市居之號芒部明初仍芒部嘉靖中平會改鎮雄軍民府其地綽恆左峙磅礴右繞雄峻險阻遐荒僻地俗愚悍信巫鬼男耕女織生業爲事領長官司四

歸化懷德威信安靖

遵義府禹貢天文如成都秦爲夜郎且蘭二縣地漢屬牂牁唐改郎州曰播川郡尋改播州宋爲遵義軍明初設播州宣慰使司萬歷中會楊應龍作亂平之改遵義府其地重山複嶺四塞爲固人直率習射獵信鬼佩刀以漢服爲貴領州一縣四安撫司一長官司四

遵義 梓桐 真安州領綏陽 仁懷

播州 白泥 容山 重安四長官司 草塘安撫司

東川軍民府禹貢梁州之域天文參分野南詔蒙世隆置東川郡地多夷二種甚強大曰僰人曰羅羅明平之置東川軍民府地控東川據雲弄山川險阻俗尚戰爭居板屋喜貿易無所領但示羈縻而已

烏蒙軍民府禹貢天文如成都古夷獠地漢通屬牂牁唐烏蠻仲由牟之裔據焉曰烏蒙部歸明置軍民府蜀最高地山險荒陋據索橋雪山之固俗擊齒乃娶去帽爲禮剽急少文

烏撒軍民府禹貢天文如成都古巴凡兀姑地後名巴的甸烏蠻久居之宋烏夢據其地號曰烏撒部歸附明爲軍民府地曲羊腸險於劍閣孟門之道烏門篤僻人跡罕至俗婚不避親族氣樸性率尚巫不藥荷氈被毳非復華風無所領

龍安府禹貢天文如成都古氐羌地漢陰平道後魏置江油郡改武平郡分置龍門郡唐爲龍門州更正州復江油郡宋爲政州元爲宣慰司明初改龍州尋陞爲龍安府地連氐羌雲棧險峭四塞之邦人務耕農好射獵岩居谷處好道罕儒椎髻披氈佩刀劍其市井有華夏風領縣三

平武 江油 石泉

眉州禹貢天文如成都秦屬蜀郡漢屬犍爲齊置齊通郡西魏改眉州唐因之後改通義郡宋爲防禦州元仍眉州明因之其地水突厥頤灘穿龍爪介峨岷爲江山靈秀所聚人尚名節業詩書重文獻畏法無

訟領縣三。

彭山。丹稜。青神。

邛州禹貢天文如成都周職方氏屬雍古臨印地梁置印州西魏改爲蒲原郡宋元復爲印州明因之地其沈黎印笮之間雖介蠻夷綽有華風人慕文學俗從儉約領縣二

大邑。蒲江。

瀘州古巴國地秦巴郡漢犍爲東漢置江陽郡梁始名瀘州治馬湖江口唐仍之宋宣和置節度元復瀘州隸重慶路明仍瀘州直隸布政司南牂牁北廣漢肘江負山邊鄙要地多瘴諸葛亮所謂五月渡瀘此其源也民樸俗約知文學樂耕稼領縣三

納溪。合江。江安。

雅州禹貢梁州周爲雍州之城井鬼分野秦置嚴道縣晉置漢嘉郡西魏改蒙山郡後更雅州唐因之又改盧山郡宋復雅州元仍之明亦仍之其地四控夷落羌水瀆江面面環繞爲西蜀襟帶南詔咽喉俗樸畏訟頗事詩書領縣三

名山。榮經。蘆山。

永寧宣撫司漢屬益州唐改蘭州宋因之元改永寧路明設宣撫司其地環城皆山疊翠如障通滇連廣俗雜夷風領長官司一

九姓。

酉陽宣撫司古蠻夷地秦通屬黔中郡漢西陽郡復置武陵郡吳改黔陽唐改置思州宋元叛服不常明服之爲宣撫司文告轉達於重慶其地當思南之要衝接荆楚之邊境人慚而樸性安耕稼領長官司一酉陽

石砫宣撫司古巴國地秦屬黔中漢曰牂牁後周改置施州唐爲清江郡宋置石砫安撫使司元及明皆因之地連黔播入荆湘有便路焉人性豪悍無所領

黎州安撫司此梁州盡西境天文鬼分野古西南夷笮都地漢通名沈黎郡後周改黎州唐置漢源郡宋元叛服不常歸明置安撫司萬歷中馬會亂討平之降爲所其城倚絕澗南通六詔西接吐蕃爲全蜀西戶俗多毡裘椎髻城市漸染漢風尙鬼神博易以貨無所領

邑梅洞長官司自禹貢以來如酉陽元置邑梅軍民府歸明降長官司由重慶達布政司其地折衝諸洞襟帶五溪夷漢雜處

平茶洞長官司禹貢荆梁分境天文軫分野戰國屬楚漢屬武陵郡宋置長官司至明因之爲酉陽外藩有石耶之阻路通荆楚貨物稍饒言侏僥好捕獵以火焙穀取麻績布以唱歌送喪葬無所領

天全六番招討使司古蠻獠地西魏改始陽郡唐改爲靈關郡宋曰和川明改爲天全六番設招討使地接黎雅帶夷落爲南詔咽喉業耕種男不工藝女不紡績以貨市易無所領

松潘指揮使司禹貢梁州之城天文觜參分野古氐羌地漢置護羌校尉屬河關郡晉屬汶山郡後周置

洮之濱地勢險峻控制西番耕野壑宿碉房以木契交易羊鶴占卜悍而善鬪領千戶所一安撫司四長

### 官司十七.

小河千戶所 八郎 麻市 阿角 芒者西安撫司 占藏先結簇 蠟市簇 白馬簇 山洞簇  
阿昔洞簇 北定簇 麥市簇 者多簇 牟力簇 斑班簇 祈命簇 勒都簇 包藏簇 阿昔  
簇 思曩簇 阿角簇 潘幹簇十七長官司

建昌行都司本西南夷邛都國地漢通改越巂郡隋改嚴州唐置巂州都督府又改越巂郡  
懿宗時詔蒙據其地號建昌城以烏白二蠻實之元置建昌路明初爲府尋改衛置行都司領衛六所八  
俱兼軍民長官司六地據西南咽喉爲邊陲形勝之地山水清秀田多膏腴人重儒敬佛殖貨通商善造  
堅利樸而近醇於西蜀爲佳壤云南有瀘水武侯城在焉

### 建昌前衛領禮州中後打衝中前四所

昌州瀘沽刺村三長官司 寧番衛 越巂衛領 鎮西、德昌二所 邛部長官司

馬刺長官司 會川衛 茂州衛領疊州威州二所 長寧安撫司 長寧長官司

疊溪守禦千戶所禹貢梁州之域天文觜參分野古氐羌地漢初通置蠶陵郡唐改翼州入明爲疊溪設  
守禦千戶所直隸省會其地犁牛左峙汝江右環勢阻荒僻俗漸聲教習尙衣冠性雖驕獷頗慕華風領

長官司二。

疊溪鬱郎。

廣東省。

廣東古百粵地。五嶺之外爲樂土。北負雄連以制荆吳。東肩惠潮以制閩越。內闢高廉以控交桂。外藩雷瓊以扼黎夷。而形勝寓焉。廣州其大都會也。南雄萬山三水。控帶羣蠻。而兵餉傳郵。仰其權利。惠州提封廣袤。悍客礦徒。久費收戢。潮州沃野廣原。昔稱阜裕。往獨患輦戶斗老。萬歷來內寇外夷。爲害孔棘。肇慶據上游。當嶺西孔道。瀧水地界梧藤。盜賊淵藪。高州海澳。獐衢終明之世。時聞弟靖。廉州山水雄奧。爲海北要區。雷州炎徼。多平田腴壤。但爲亡命逋逃之地。瓊州並海。而五指腹心之邦。反爲黎穴。則交趾之棄可爲浩歎。乃濱海島夷之國數十種。時時出沒。志在貿易。非必盜邊也。顧民逐山海。鑛冶番舶之利。不勸農田。甚者椎剽海上。桴鼓之警彌滿山谷。良民困於徵求。蓋政教不修。而大兵數舉之過也。且密邇蒼梧。征南幕府在焉。軍旅之興。殆無寧歲。况地有珠池。番貨駢集。本民用所資。而內使頻行采辦。擾害閭左。終明之世。不有以恤之。而民滋病。故外負富饒之名。而中多耗患者。此地是也。初。戶六十七萬五千五百九十九。人口三百萬七千九百三十二。末年戶五十三萬七百一十二。人口二百四萬六百五十五。設廣東承宣布政使司。分道五領府。十州八縣。七十五。嶺南道領府三。廣州府禹貢揚州之南境。天文牛女分野。諸郡皆然。春秋爲南越地。舊稱羊城。秦置南海郡。秦亂尉趙佗

據其地自王漢武帝平之復南海郡屬交州刺史東漢遷交州治番禺三國吳遷治龍編以番禺置廣州梁陳並置都督府隋置總管府復爲南海郡唐爲廣州改南海郡唐末置清海軍節度宋爲廣州清海軍元置廣州路明改爲府地總百粵山連五嶺連峯隔其陰巨海瀦其陽沃衍數千里南海大都會也室皆塗塹家重耕農俗雜五方人物富庶性和而不爭商賈阜通得華風之雅所以士多儒術領州一縣十五南海番禺順德東莞從化龍門新寧增城香山新會三水清遠連州領陽山連山新安

韶州府漢平南粵置曲江湞陽二縣隸桂陽郡統於荊州東漢始置都尉孫吳置始興郡治曲江劉宋改廣興郡陳霸先起於此隋廢郡屬廣州唐置番州尋改東衡州又改韶州已復爲始興郡五代屬南漢宋復韶州屬廣南東路元爲路明改府地形險峭唇齒江湘咽喉交廣爲南粵北門習俗醇樸不事遊宴領縣六

曲江樂昌仁化乳源翁源英德

南雄府戰國屬楚秦屬南海郡漢屬桂陽孫吳屬始興郡南漢置雄州治保昌宋凌皓知保昌興水利導江民感其德號西凌江宣和中置保昌郡元改置南雄路明改府地爲百粵羣蠻之襟會人性稍剛俗雜夷夏無技巧鮮厚資領縣二

保昌始興

嶺西道領府二。

肇慶府漢屬蒼梧郡半分屬合浦郡劉宋置綏建郡治四會梁降置高要縣隋爲端州唐改湞州又改高要郡尋復端州宋置興慶軍節度後陞爲肇興府改肇慶軍元爲路明改爲府其地三江雄據阻山瀕海具山麓勝概爲五州之要區土厚民醇夷獠雜處漢人亦尙文雅而山谷多椎髻跣足之民領州一縣十高要四會新興陽江陽春高明恩平廣寧德慶州領封川開建

高州府秦大約皆南海漢置高涼縣孫吳置高涼郡晉分置高興郡唐爲高州復高涼郡治電白五代屬南漢宋徙治茂名元改路明爲府其地居兩廣之間土厚山環有三水以流其惡高而少涼瘴癘特少俗多禮讓尙衣冠儉約好鬼領州一縣五

茂名電白信宜化州領吳川石城

嶺東道領府二。

惠州府梁置梁化郡隋改循州唐以循州屬嶺南道改置海豐郡宋改爲惠州後爲博羅郡元爲惠州路明改府其地東接梅潮西連汀贛漢之名部粵之沃野俗信鬼好祀文物豐美婦女爲市男坐於家不檢之風大同諸郡領縣十

歸善博羅長寧永安海豐河源龍川長樂興寧和平

潮州府天文牽牛分野漢南海郡地晉分立義安郡梁改瀛州隋始置潮州治海陽唐因之又爲潮陽郡

五代屬南漢。宋仍潮州。元爲路。明爲府。地瀕海。爲閩廣兩粵之界。自韓愈至潮。而後士篤儒行。後漸爲文物之邦。領縣十。

海陽 潮陽 揭陽 程鄉 饒平 惠來 大浦 澄海 普寧 平遠

海北道領府二

雷州府秦象郡地。漢爲徐聞。屬合浦郡。梁分合浦置合州。隋仍之。唐改雷州。改海康郡。尋復雷州。五代屬南漢。宋隸廣南西路。元置雷州路。明改府。其地窮服嶺。南海山環抱。多平田沃壤。旁通閩浙。士頗向學。俗樸雜黎俗。氣甚熱。領縣三。

海康 遂溪 徐聞

廉州府古南粵地。天文翼軫分野。秦屬象郡。漢改合浦郡。孫吳改珠官郡。劉宋置越州。隋改祿州。又爲合浦郡。唐復越州。後改廉州。又復合浦。宋徙州治長沙。改置太平軍。元置廉州路。明改府。其地爲南轍窮途。瀕海作郡。鑿山爲城。人情儉樸。畏訟。郡無耕稼。所資珠璣。百物走集。領州一。縣二。

合浦 欽州領靈山

海南道領府一州一

瓊州府古南粵地。牛女分野。漢武帝平南粵。置珠崖儋耳二郡。後併入珠崖。元帝又罷之。東漢爲縣。隸合浦。唐置崖儋振等州。後增置瓊州。後改瓊山郡。五代屬南漢。宋仍瓊州。大觀初置靖海軍節度。尋廢。元改

瓊州路明改爲府郡居海島中南望連山有無縹緲四川一島中盤黎峒前瞰清河多高山大林廣袤千有餘里人性坦質有衣冠禮樂之風士多文雅儉素畏法領州三縣十

瓊山 澄邁 臨高 安定 文昌 樂會 會同 儒州領昌化 萬州領陵水 崖州領感恩 羅定州禹貢揚州之南境天文牛女分野古百粵漢更端溪郡晉改龍鄉梁改置瀧川郡隋曰瀧水唐改置開陽郡宋改康州元仍之明初改瀧水縣屬肇慶府萬歷中陞爲羅定州其地重嶺激灘控扼要衝男務魚獵女勤紡績侗愿安靜亦樂土也領縣二

東安 西寧

廣西省

廣西爲荆揚西南郵亦古百粵地東南接廣東而風壤氣習特異山特起而峻水清湍而駛地利物產優贍自給桂林其都會也蒼梧地總百粵雄據南極爲水陸之衝明設文武大臣於此不爲無見府江左江右江貫絡諸郡縣地甚遠而苗夷附據爲寇竊不但古田荔波數縣苦其蠶食而已潯州大藤峽跨黔鬱二江之間爲諸蠻窟穴伺間出剽急乃投竄雖有上隆州五屯所扼其咽喉然不足制也若興安西延六峒與楚之武岡陽岡接壤猺據之爲桂林北境害至柳慶以西則入寨爲盜區洛容懷遠每罹慘毒而賓州其襟喉矣右江一帶惟岑氏最強思田殘破之餘萌孽時作削土分官策亦良矣南寧太平控遏兩江坐躡交趾桂筦保障於焉藉之總之三面倚楚西接滇中亦形勝之區也初年戶二十一萬一千二百六

十三人口一百四十八萬二千六百七十一。末年戶二十一萬八千七百一十二。人口一百一十八萬六千一百七十九。設廣西承宣布政使司分道四領府十軍民府一州十一土州三十六縣五十有三長官司四。

桂平道領府二。

桂林府禹貢荊州之域。天文翼軫分野。秦桂林郡漢分屬零陵蒼梧二郡。孫吳置始安郡屬荊州晉屬廣州。劉宋改始建國。南齊復始安郡。梁兼置桂州。唐因之尋改建陵郡。陞靜江軍節度。五代屬南漢。宋仍桂州。南宋爲靜江府。元改路。明爲桂林府。夫五管之地桂爲大。被山帶江東控嶺海右扼蠻荒山特起不聯秀麗甲天下。自荔浦以北爲楚。以南爲粵。有中州清淑之氣。士知經術。全州冠裳特盛。民樂樵漁風氣樸古。領州二縣七。

臨桂。興安。靈川。陽朔。永寧州領永福。義寧。全州。灌陽。

平樂府禹貢天文漢以上同桂林。吳置平樂縣屬始安郡。隋廢郡以其地屬桂州。唐置樂州改昭州後改平樂郡。五代屬南漢。宋復昭州。元改平樂府。明因之居蒼梧始安之間。與清湘九疑犬牙相入。自靜江至梧灘瀧甚多。至昭而分上不甚險。下多銳石灘高水激爲嶺表吭地。士知學居多巢櫓。尙樸以雞占領州一縣七。

平樂。恭城。富川。賀。昭平。荔浦。修仁。永安州無所領。

左江道領府三。

南寧府禹貢揚州裔壤天文翼分野秦屬桂林漢鬱林郡之領方縣晉分置晉興郡唐置南晉州尋改邕州天寶初改朗寧郡後復邕州置建武軍節度宋仍邕州改永寧軍元改南寧路明爲府其地內制廣原外控交趾襟帶九洞脣齒列城地勢險阻人性輕悍商賈叢集民物茂康重鬼輕醫宋狄青破儂智高留襄漢子弟鎮之故其間多襄漢人言語頗同領州三縣三設有南寧所領土州四。

宣化 新寧州領隆安 橫州領永淳 上思州無所領 歸德州 果化州 忠州 下雷州

潯州府漢以上同南寧晉分置桂平郡隋廢郡爲縣唐始置潯州已改潯江郡宋省尋復置元改潯州路明爲府左黔右鬱合於山之麓曰潯水封域廣袤江山奇偉民樸訟簡俗服禮儀領州一縣三。

桂平 平南 貴 武靖州

官率姓世

太平府古南粵地漢屬交趾郡晉以來夷獠居之唐隸邕州都督府宋平嶺南於左右二江溪峒立五寨曰太平與古萬遷隆永平橫山四寨各領州縣屬建武軍節度元置太平路明爲府壞連交趾嶮嶺盤互長江環之俗醇樸不華衣冠不正飲食亦殊領州二縣二輔土州十四土縣二。

崇善 養利州無領 左州領永康 太平州

官李姓

思城州

官趙姓

安平州

官李姓

萬承州

官許姓

上下凍州

官趙姓

鎮遠州

官趙生

都結州

官儂生

全茗州

官李生

茗盈州

官李生

思同州

官黃生

龍英州

官李生

結安州

官張生

結倫州

官馮生

思明州官黃  
姓羅陽縣官黃  
陝陵縣官黃

蒼梧道領府一。

梧州府禹貢荊州之城天文牛女分野秦屬桂林漢武帝爲廣信縣置蒼梧郡元封中徙交州治之隋廢郡爲縣屬封州唐屬靜州尋置梧州後改蒼梧郡五代屬南漢宋仍梧州元改路明爲府地總百粵山連五嶺襟帶湖湘背倚原阜爲南極水陸之衝俗力田務本好學剛悍信直樂音閒美領州一縣九。

蒼梧 藤容岑溪懷集鬱林州領博白北流陸川興業

右江道領府四軍民府一

柳州府古百粵地翼軫分野秦屬桂林漢屬鬱林孫吳復屬桂林後析置馬平郡梁兼置龍州隋徙治龍江北尋廢以馬平縣置象州唐改昆州尋加南昆州貞觀中始改柳州後更龍城郡後爲楚馬氏所據五代屬南漢宋仍柳州元置路明改爲府地多奇石平地突起數百尺鎮壓諸蠻爲越駱都會俗醇古絃誦爲嶺南最不事蠶作儉樸有節領州二縣十。

馬平 雜容 羅城 柳城 懷遠 融來賓 象州領武宣 賀州領遷江 上林

慶遠府秦象郡漢交趾日南二郡界地後淪於蠻唐始置粵州改宜州治龍水縣後改龍水郡五代時爲楚馬氏所有後屬南漢宋復宜州宣和中置慶遠軍節度後改慶遠府元爲路明仍府控扼蠻夷置守戍。

爲嶺南要害。人風獵戾。居民頗馴。仗義而樸。領州一縣。四土州三縣。一長官司二。

宜山 天河 河池州領思恩 荔波

南丹州官莫姓 東蘭州官韋姓 那地州官羅姓 忻城縣官莫姓 永順永定二長官司。

鎮安府古百粵漢屬交趾郡唐隸邕州宋於鎮安洞建宣撫司元改路明移於廢凍州爲鎮安府其地高峯峻嶺人跡稀至官岑姓人多梗執情義乖疏男女無嫌別亦無所領。

思明府古百粵地漢屬交趾郡唐置思明州宋元因之明爲府其地江山雄峻映帶左右人畏法蓬跣土官黃姓領州三縣一先有祿州西平州忠州俱淪入安南。

思明縣 上石西州 下石西州官開姓 憑祥州官李姓

思恩軍民府古百粵地漢屬交趾郡唐置思恩州隸邕州都督宋屬邕州元隸田州路明改思恩軍民府領縣一。

武緣

直隸布政使司州十一縣三長官司二皆漢交趾郡地。田州宋始置田州前皆郡州內地明初改府嘉靖初降爲州其地平曠包鎮安控百粵俗陋野禮義粗疏。惟耕織皆華風官岑姓領縣一。

上林官姓  
黃

歸順州先隸田州府田州降則直隸布政司鳳土同田州官岑姓無所領利州漢置屬交趾郡宋元因之入明仍利州其地羣山拔秀濛泓環流刀耕火種種異俗分大約樸獷無所領

奉議州漢以後俱屬交趾郡宋始置州明因之其地旁右江倚石門山水明秀俗愿而勤耕種紡績男青布巾女戴竹笠無所領

向武州宋置明因之官黃姓其地龍盤虎踞形勝天成人物粗疏病無醫藥以檳榔爲禮領縣一

富勞

都康州宋置明因之官馮姓地深江險無儀文人狡悍

龍州宋置明因之其地控制南交藩屏中夏設守戍焉民愚而信鬼畏法混雜

江州宋置明因之其地平原曠野山水外環其俗好鬼無儕惟務耕農不知商賈官黃姓領縣一

羅白官梁  
姓

思陵州宋置明因之其地羣峯疊翠二水交流數歲婚嫁無別嫌性悍直

都祥州與都康不異

上林長官司。宋置上林峒。明立長官司。其地累峯據前。倉冒峙後。巖穴深冥。人跡罕至。俗赤腳蓬首。衣白頂笠。父子各居。男女混雜。

安隆長官司。統於慶遠府而不屬。永樂中始置。地方雜夷漢。稟性各異。逐石爲居。男女不別。婚以早爲佳。

# 明書卷四十三

## 志二

### 方域志五

#### 雲南省

雲南古梁州裔境也。崇岡巒巒，激澗瀠紆。金碧米鹽之產，號稱精贍。而雲南一都會也。諸郡大半皆沃壤。獨元安路納安南。金騰地湧諸甸。瀾滄聯絡寧麗。曲靖彈壓烏蠻。王公設險於斯要矣。若武會大者元江。武定。景東。麗江。小者姚安。北勝。鄧川。霑益。並以兵力稱桀。而滇境粗安。則沐氏世有勞焉。尋甸上下風土絕異。兵衛漸疏。故諸羅構釁相將。而木邦孟密不聞悔禍。終明之世。搶攘時作。則撫綏之失策也。其東境則曲靖之牂牁江達廣東西境。則北勝之金沙江達四川。其北境則陸行關索嶺達貴陽。稍有兵警坐令梗絕大都。滇南城郭人民。夷居十八。緩則蜂蟻屯聚。急則豕突鴟張。號令不行。勦誅不易。是以二百餘年但示羈縻。文告夷性難馴。古昔然矣。初年戶五萬九千五百七十六。人口二十五萬九千二百七十。末年戶一十三萬五千五百六十。人口一百四十七萬六千六百九十二。繁滋獨多。設雲南承宣布政使司分道四領府十四軍民府八州四十一縣三十一設都司領衛二十一守禦所十三安撫司三宣慰司九宣

撫司三長官司二十四。

安普道領府一軍民府二。

雲南府禹貢梁州邊徼天文井鬼分野古西南夷僰鳩烏獠所居地其地有滇池周廣五百里合盤龍江黃龍溪諸水匯爲池亦曰昆明池楚莊蹻略地至滇池因自王其地秦頗置吏焉漢武欲伐滇於長安西南穿昆明池象之習水戰竟降滇遂置益州郡蜀漢改建寧郡又分置雲南郡晉宋齊因之隋置昆州唐因之後爲南詔蒙氏所據改善闡府歷鄭趙楊段氏至高智昇世有其地元得之改置中慶路入明改雲南府東距僰東南屬交趾西抵伽陀北接吐蕃東北際黔巫爲西南要地種類非一大約性勇健不鞍而騎勤耕尙訟俗鮮禮義死不葬祭敬佛椎髻編髮惟城邑之間少有華風領州四縣九。

昆明 富民 宜良 嵩明州無所領 晉寧州領歸化 呈貢 安寧州領羅次 祿豐 昆陽州  
三泊 易門

曲靖軍民府禹貢天文大約同雲南漢夜郎味縣地蜀漢置建寧郡後分置興古郡治律高晉屬寧州後爲西爨地隋置恭協等州唐置南寧後改恭州又爲曲州分協州置靖州後沒於南詔大理段氏磨彌部元改爲曲靖路後爲宣慰司入明改軍民府其地負山據江四達要會俗椎髻皮服力耕好鬪地富饒寡廉恥領州四縣二。

南寧 亦佐 露益州俱無所領 陸涼州 馬龍州 羅平州

尋甸軍民府古滇國地昔僰刺蠻居此後烏蠻新丁奪之及蒙氏有之曰尋甸又爲益源部又爲仁德部元置仁德萬戶府入明爲尋甸軍民府其地川原平衍山顧水瀆俗則婦襲夫職露頂爲禮俗狠而鄙變詐無忌無所領

臨沅道領府四軍民府一

臨安府古句町國漢屬牂牁郡唐南詔蒙氏置通海郡宋段氏曰秀山其後屬善闡又屬阿楚元收附改爲阿僰後置臨安路屬宣慰司入明改爲臨安府其地北濱江西雄楚爲滇中上閫邊徼重地士性質野民性愚傲採獵爲業多積爲富領州四縣四長官司九

建水州 石屏州 阿迷州 寧州 領通海 河西 嶧峨 蒙自 長官司九曰 納樓 教化  
王弄 虧容甸 溪處甸 思陀甸 左能寨 落恐部 安南

澂江府古西南夷漢通立俞元縣屬益州蜀漢屬建寧郡梁屬南寧州隋屬昆州蒙氏曰河陽元得之置澂江路明改爲澂江府其地崎嶇崖石地鮮平夷有山川之勝性質野好爭訟衣食耕桑民稱饒裕領州二縣三

河陽 江川 陽宗 新興州 路南州

廣南府宋始稱特磨道儂氏居之元立廣南宣撫司入明改廣南府山崖高險金城之固習儉約事耕耘有蠶及瘴鬻訟好鬪俗雜夷夏領州一

富州。

廣西府古滇國東南境入漢爲益州後屬牂牁郡東漢屬興古州晉屬寧州唐爲東爨烏蠻諸郡所有後爲羈縻州隸黔州後爲南詔蒙氏所有元內附置廣西路明改爲府其地東瞰廣西南距交趾地幽阻有蠻四種曰黑爨曰僰曰土猶曰白子人性悍質頗稱富強領州三

師宗州彌勒州維摩州

元江軍民府古西南夷極邊之境唐時南詔屬銀生節度宋儂黨竄此元內附置元江萬戶府入明改軍民府領長官司一

因遠羅必甸長官司

洱海道領府五軍民府二

楚雄府禹貢梁州之城天文井鬼分野戰國屬楚漢屬益州郡晉置安州尋罷入寧州唐分置旁望邱覽等州後沒於南詔再淪於蠻元內附立威楚萬戶府後改路置宣撫司入明改楚雄府其地山川秀麗壤土肥沃有鹽井之饒南臨金齒北距羅婺東連昆吾諸郡西走大理大約與漢僰同風領州二縣五

楚雄定遠廣通定邊碑嘉南安州鎮南州

蒙化府漢初通爲益州郡地唐屬姚州自蒙氏細奴邏築城號蒙舍詔永泰初改曰陽瓜元更蒙化路入明爲府其地四山如環堵襟帶蒼洱控制南澗諸蠻俗勤耕稼喜射獵富饒淫侈領州一

永寧府古名樓頭賤地接吐蕃又名答藍唐屬蒙氏宋屬段氏元得之改永寧州明爲府其山川險阻人勇厲樸野衣重氈好戰鬪領長官司四

刺次革甸香羅瓦魯

順寧府本蒲蠻之地號慶甸南詔屬銀生府宋以前不通中國元始內附置順寧府明因之地扼諸蠻人多惡陋不知華風但屈膝爲禮領長官司一

祿谷

景東府古徼外荒遠之地號柘南又云南裾唐蒙氏立銀生府元始討平置開南州附明改景東府地近緬僰民多百夷田皆種不通漢書祇用緬字無所領

姚安軍民府本滇國地漢通之置弄棟縣屬益州蜀漢屬雲南郡唐置姚州後淪於蒙氏段氏元討平置姚安州入明爲軍民府其地崇山修谷中多平疇田頗膏腴習俗愚野勇悍好鬪敬釋勤稽領州一縣一  
姚州大姚

武定軍民府禹貢梁州之界天文井鬼分野古烏蠻羅婺部地漢屬益州隋屬昆州唐屬戎州元內附置羅婺萬戶府尋改武定路入明更軍民府其地四圍千里削壁懸崖密箐深阻人多好浴男女混而不恥叛服不常領州二縣一

和曲州領元謀 祿勸州無所領

金滄道領府一軍民府三州二

大理府古昆彌國春秋楚有之後爲夷漢通置嵩州屬益州三國蜀漢爲葉榆郡晉屬寧州宋梁陳置永昌郡唐初爲葉榆縣後置姚州都督府於此其後蠻蒙舍詔皮羅閣并蒙嵩越析浪穹澄曉浪施五詔合爲一號南詔治大和城尋號大蒙國後徙羊苴咩城今府治也更號大理國元收附改大理路明改爲府高山深阻地廣雄富爲南詔都會俗本於漢民多士類知詩書谷多夷人各爲習領州四縣三長官司一太和趙州領雲南鄧川州領浪穹賓川州雲龍州大理長官司

永昌軍民府古哀牢國漢武通置不韋縣東漢置瀾滄郡改永昌郡蜀漢及晉爲永昌府唐屬姚州都督府後沒於蠻宋高氏據其地元討平置金齒宣撫入明初爲金齒衛後改永昌府加軍民其地山谷險惡俗以金裹兩齒繡面好兵務獵惟諸葛營城皆漢人衣冠禮義悉如華夏領州二縣二長官司二

保山永平騰越州騰衝州領鳳溪施甸二長官司

鶴慶軍民府舊爲越析詔之地漢通爲鶴川東漢屬永昌郡後陷於夷元內附置鶴州尋陞爲鶴慶府入明爲軍民府其地蠻嶂明秀川源深窅人氣蠢樸好剛健訟帶弓矢能鏽佳劖領州二

劍川州順州

麗江軍民府漢通置定筰縣分屬越巂益州二郡東漢屬永昌郡隋屬嵩州唐沒於蠻爲越析詔地元收

附改麗江路入明爲軍民府官本姓其地雪山門峙麗江環繞橫連千里雄據九縣衣同漢制而好五采或錦或布皆番大花冠亦五色善射獵勇厲好飲酒雄富多積信釋用肉刑領州四

通安州 巨津州 寶山州 蘭州

北勝州古白國唐南詔異牟尋開其地名北方赕徒瀾河白蠻及羅落麼夢諸蠻實其地號劍羌城元內附置北勝府明降爲州外江內關險固莫攻氣樸陋勤耕織巢處穴居者多人甚勇厲直隸布政司統於金滄道

新化州舊爲馬龍他郎二甸地後人阿僰諸部蠻所居元始內附曰新化州明因之其地羣山夾江勢扼蒲刺婦事耕桑男多逸豫墾山爲田椎魯不文直隸布政司統於臨沅道

者樂甸長官司漢以前爲荒徼唐屬馬龍他郎二甸爲猛摩夷號者烏元內附仍者烏隸元江路明初置者樂甸長官司其地荒野山水粗猛俗獵樸爲市旦則婦女日中則男衣冠皆不類華夏直隸布政司統於洱海道

直隸都司衛一府二州五宣慰司五宣撫司三

瀾滄衛漢始開通之按史初開博南行者愁怨作歌所謂漢德廣開不賓度博南越瀾津渡瀾滄爲他人卽此地元內附置司屬北勝州後省司爲北勝地入明立衛山勢陡絕在麗江之東人多勇獵尙爭喜獵領州一

蒗渠州

孟定府古蠻夷地舊名景麻元內附置孟定路明改爲府地荒野男戴竹笠女多衣文綉淫瀆不檢領司一曰孟定安撫司

孟良府古孟指蠻地從古不通中國入明始內附置孟良府地近木邦俗略同夷風未變無所領威遠州南詔屬銀生府舊爲灌落蠻所居元內附置威遠州明因之地多山男女勇捷走險如飛蓬首跣足貴者裹巾幘衣花布無所領

灣甸州舊爲細賸蠻地元內附屬鎮康路明爲州地多山男俚質女貴者以象牙作筒貫於髻飾金鳳頂絡以金俗淫而無恥

鎮康州舊石賸蠻地本里僰所居元內附立鎮康府明改爲州地山險荒僻民跣足走荆棘如飛病專祀鬼神樸野犷悍

大候州爲孟祐白蠻所居元內附曰大候州屬麓川路明仍州直隸都司地荒而多山俗不通華風騰衝軍民指揮使司漢初通爲永昌郡西鄙古越賸地元討平置騰衝府入明改司其地控扼百夷通達要害獨此蠻性懦弱善孳畜佃種巢居火種

車里軍民宣慰使司古車里蠻地後倭泥貉獵黑角雜居之自古不通中國元討通置徹里路入明改府後改司境倚浪滄江近接交趾民皆百夷性頗馴人額皆刺一旗爲號

木邦軍民宣慰使司舊爲孟都蠻地漢通爲孟邦後多叛元置木邦路明改司地山險男貴女賤文身髡髮摘鬚修眉性馴。

緬甸軍民宣慰使司古西南夷其地舊有江頭太公馬來安正國蒲甘緬王五城元內附置邦牙軍明改司其地頗平沃性柔而詐事佛敬僧有城郭室廬舟楫器頗精巧自有緬字。

八百大甸軍民宣慰使司世傳土酋有妻八百各領一寨曰八百媳婦元征之道不通而還明額公友德拓得之立司地險峻民愚野把手爲禮事佛刺花眉間。

老撾軍民宣慰使司古越裳氏地俗呼曰撾家漢武通之不附至永樂三年始服貢方物乃置司地阻扼人性獷悍文身刺眉花多建高樓居之。

### 太古刺宣慰使司

底馬撒宣慰使司二司皆近木邦其沿革風土皆同。

南甸宣撫司本西南夷宋通置南甸州元因之明改司其地廣大據南牙石梯之險人性悍勁重婚禮千崖宣撫司舊爲千賴賸地僰夷居元始通置鎮西路明爲司其地有雲冕山河四時皆蠶能織絲布隴川宣撫司舊爲麓川地皆僰夷所居元通置麓川路入明初爲麓川平緬軍民宣慰使司正統間思任發反平之降稱宣撫司治龍把地多山谷人性狡悍猛密安撫司舊隸木邦萬歷中直隸布政司風同木邦。

紹兀長官司舊爲也兀蠻居明始內附立司地山僻人居野無禮。

芒市長官司舊爲怒謀蠻及大枯賾小枯賾之地唐史所謂茫施蠻也入明置司其險荒男衣繪女衣皮無禮義。

孟璉長官司茶山長官司麻里長官司三司皆永樂末年置皆極荒夷落俗皆夷習無文字禮義。

貴州省

貴州禹貢荆梁二州之南徼古鬼方地後爲西南夷羅施國俗頗近滇南而山箐峭深水無瀦澤土無貨置貧瘠至極官戎歲費仰給他省加以兵荒匱乏弗繼况省城會區咫尺夷土故泗城恣其狼吞伺竊門戶則守在永寧芒部盤踞廣土蹲伏北藩則憂先畢節若思南石阡銅仁諸郡界在鎮筰酋播夷峒之間地雜川烏諸部師旅繹騷與楚蜀同其災害且水西普安凱里諸酋久擁雄富性復剛豪地連肘腋奪職爭疆迄無寧日終明之世宦苦投荒而夷性佳兵好殺恒勤師伐得不憤夫羈縻無術然不能爲他境患亦其習俗然也明初分隸四川湖廣雲南永樂十一年因田酋倡亂屢拒朝命誅討旣行始建省設官郡縣其地弘治中始覈戶口上之司農計戶四萬三千三百六十七人口二十五萬八千六百九十三末年戶四萬三千四百五人口二十九萬九百七十二設貴州承宣布政使司分道五領府八州六縣七軍民指揮使司二宣慰司一安撫司一長官司八十一

貴寧道領府一宣慰司一安撫司一

貴陽府禹貢荆梁二州之南境。天文參井分野。本西南夷羅施國地。漢武通屬牂牁郡。後淪於夷。宋始置大萬谷樂總管府。元改順元路。隸湖廣。明初設宣慰司。成化中建程蕃府。隆慶中更定爲貴陽府。其地東阻五溪。西距盤江。爲滇南門戶。昔本苗僚雜居。自然省會。儒教漸興。累登仕籍。漢夷異俗。漢仍衣冠。夷皆被氈衫爲禮。領州二。縣二。安撫司一。長官司十七。

新貴 貴定 定番州 廣順州 金筑安撫司 領麻嚮 木瓜 大華 貴竹 程番 韋番  
洪番 方番 臥龍番 金石番 小龍 羅番 大龍 小程 上馬橋 盧番 平伐各長官司  
貴州宣慰司。古西南夷八番鳴水之地。漢爲羅甸國。元內附屬順元。隸湖廣。明改貴州。置宣慰司。其地山廣林幽。重岡盤曲。寨多夷種。人慕漢風。吉凶之禮頗效中華。領長官司九。

水東 中曹 青山 劍佐 龍里 白納 底寨 乖西 養龍

思石道領府四。

思州府。古台蓬野鷄之地。秦屬黔中郡。漢屬武陵郡。唐改思州。後改寧夷郡。宋元未附。明初置宣慰司。永樂中改府。其地重山環抱。沃壤中平。西南雄鎮也。民性剛悍。外癡內黠。刻木爲契。祭鬼弭災。後濡聲教。丕變冠裳。領長官司四。

都坪 都素 黃道 施溪

思南府。禹貢荊州荒裔。春秋戰國屬楚。秦屬黔中。漢屬武陵。隋改務州郡。唐改務州。尋爲思州府。宋爲州。

元爲路。明改思南府。其地峰秀川築爲牂牁要地。控夷咽喉。蠻獠雜居。衣冠言語各異。尚樸力檣擊鼓迎客。歌唱耕種。領縣三長官司四。

安化。婺川。印江。以上縣水德。蠻夷。朗溪。沿河祐溪。四長官司。

石阡府。唐通曰夷州。後改義泉郡。宋元爲長官司。明改石阡府。其地山水環繞。迥通鎮遠。遠距思南。黔中要地。俗不事文墨。男女跣足。好鬼性。剛。領縣一長官司三。

龍泉縣。石阡。苗民。葛彰。三長官司。

銅仁府。禹貢荊州南荒。天文星分野。古爲溪蠻地。元內附。置銅仁長官司。明政府。其地高巖峯翠。窮谷幽渺。苗夷雜處。漢士頗知禮義。而犷彊勇謫。峒夷狡黠。苗人剛狠。久難變也。領縣一長官司六。

銅仁縣。提溪。烏羅。省溪。大萬。平頭。銅仁。各長官司。

都清道。領府三。

鎮遠府。舊爲大田峒。元始置鎮遠府。明因之。其地鎖鑰黔楚。水陸要衝。習俗質樸。服用儉約。以蕨灰爲鹽。領縣二長官司三。

鎮遠。施秉。二縣。金容。偏橋。邛水。三長官司。

黎平府。古荊州荒徼。天文軫餘氣。漢屬牂牁。五代時田氏據之。元討平。置潭溪長官司。明政府。山溪險峻。

夷落領緣性兇頑言鶖舌好鬼無文領縣一長官司十三

永從縣 西山 洪州 潭溪 八舟 古州 湖耳 亮寨 曹滴 殆陽 新化 中林 赤溪

龍里各長官司

都勻府古西南夷元始內附置都雲安撫司入明改都勻府其地壤僻而險匪通達人罕到習俗鄙陋人皆戴笠勇於戰鬪領州二縣一長官司八

麻哈州 獨山州 清平縣 都勻 邦水 樂平 合江 平洲 平浪 平定 豐寧各長官司

新鎮道領府一州一

平越府古黎峨里歷代叛服不常明初置平越衛萬歷中播酋楊應龍反平之革土官郡縣其地陞平越府其地山溪險峻蠻苗叢居爲邊方要區漢人留鎮者多城市皆華風而山居夷性各異領州一縣三黃平州無所領 湄潭 餘慶 銷安

鎮寧州古荒服地元始置鎮寧州明因之地險扼漢夷雜居風俗各異婚姻論牛領長官司二

康佐 十二營

威清道領安撫司一州三

凱里安撫司古蠻夷地唐始置蘭州元改永寧路明以其地當滇黔要衝置守禦所嘉靖中改安撫司地險要俗勁悍不務耕桑專以貨易無所領

普安州禹貢梁州界天文井鬼分野古夜郎地秦屬黔中漢屬牂牁蜀漢置興古郡唐改西平尋改盤州元置普安路明改爲州其地界雲貴川廣之交要衝之地民頗繁華夷獨巧佞喜佛永寧州元始置明因之山川險峻林箐幽僻夷五種習尚各異大約男女自婚佩刀弩喜射獵領慕役頂營二長官司

安順州古羅甸普里部元置習安州屬雲南明改安順州其地襟帶三川衝要劇地漢人直而尚義夷人鄙陋頗馴領

寧谷 西堡 二長官司

直隸布政都二司衛十四其地多夷種風土不一山險人悍徒跣者多貧瘠鄙陋惟威清知文字習禮教餘多相類

威清 平壩 安莊 普安 普定 安南六衛統於威清道 新添 龍里二軍民指揮衛統於新鎮道 都匀 畢節

清平 烏撒 興隆 赤水六衛統於都清道

邊關

史官論曰邊關之至於明季蓋名存而實亡矣烽火相望未嘗不聯絡數千里所在據形勝築濬餉餽芻秣器具之費無寧歲閏左耗竭而一旦有警則左右莫枝梧蹂躪內地隳名城子女玉帛飈然而走荒遐

而太祖太宗迅掃三犁之烈蕩然實錄淪澌鼎圖搖撼以至於亡勝喪之勢豈不以邊哉當明初猶雍開拓遠逐龍荒遂設遼東大同延綏寧夏甘肅六邊各屯重兵鎮之維時大寧擁峙於山後東勝雄建於河北套未入於火篴全遼未歸於戰勝金甌無缺竈帳遠居猗歟盛矣其後大寧徙而薊州危三韓沒而山海震東勝失而山西薄河套棄而固原迫四鎮始皆稱邊然始則東起遼左西抵河西雉堞巍城聲援相接譬如率然也夫昔之六而守日堅後之九而守日瑕蓋以險在我則窺伺者舞門庭之外險與共則狎侮者鼾堂奧之中易曰王公設險乃舉創造全盛之地敵蹤棄之無慄色曾疆場綺分之謂何衡其輕重則薊州宜大獨重於諸邊環拱陵寢夾輔京師肩臂肘腋於人之身抑重矣夫自古建都必據形勢太宗定鼎幽燕居外馭內南面以臨海宇獨近在邊郵則守禦爲艱然而大寧之內徙三衛之外向獨石之孤懸豐勝之淪沒撫今追昔寧無歎慨而況於數千里巖疆一旦波沈陸海則明季邊臣之偷玩有不忍言者而跡其始境寧不罪有所歸哉今紀其盛時以見方域之勝而開平興和哈密東勝諸地陷棄已久茲不入譜云

### 薊鎮

薊京師左輔也本古會州地明初設北平行都司與營諸屯衛封建寧藩與遼東宣府聯絡爲外邊已而大將軍達經略自古北至山海增關隘爲內邊永樂中移大寧都司於保定散置營州等衛於順天之境以其地處兀良哈分建朵顏泰寧福餘三衛通貢互市倚爲藩籬自是紅螺白雲之北棄矣故遼東宣府

之聲援阻絕不通。自後部落日蕃，往往爲入犯衢道。嘉靖中深入畿南薄京城，而薊遼設憲臣宿重兵，以爲重鎮。不止松林百萬，邈隔山河，且使京畿肩臂爲牧馬場矣。設關三路十二口一百一十三營四十三堡六十一城十有一寨七十二。

山海關 居庸關 馬水關 路十二曰曹家 牆子 古北 石門 太平 喜峯 松棚 馬蘭  
山海 石塘 燕河 建昌

遼東

遼東設都指揮使司禹貢冀青之城。天文箕尾分野。舜分冀東北爲幽州。廣寧以西是也。分青東北爲營州。廣寧以東是也。戰國屬燕。秦分遼東西二郡。漢改襄平遼陽。武帝拓朝鮮地割遼東置樂浪玄菟真蕃臨屯四郡。東郵古三韓地。曰馬韓。曰辰韓。曰弁辰韓。後漢始拓屬中國。漢末爲公孫度所據。魏置襄平州。晉末爲慕容廆所據。隋爲高句麗所據。唐置蓋遼二州。後入契丹。阿保機修遼東城居之。曰東平郡。尋陞爲南京。改東京。元爲東京路。明爲府州縣。尋置定遼都衛。又改遼東都指揮使司。革所屬惠耀懿三州及鶴海析木諸縣置衛。永樂中置安樂自在二州。其地平行膏腴。負山面海。東北一都會也。人多異好。士習詩書。性善騎射。務農好巫。領州二衛二十五。

自在州 安樂州 定遼中 海州 益州 復州 金州 廣寧 義州 廣寧後 廣寧中屯  
寧遠 廣寧左屯 廣寧右屯 廣寧前屯 濬陽中 鐵嶺 三萬 遼海 定遼左 定遼右

定遼前 定遼後 東寧 開原 廣寧後屯 錦州

宣府鎮

宣鎮古代郡秦漢皆上谷地明初卽元上都設開平衛守之置驛東接大寧西接獨石太宗四出塞皆自開平興和出已乃棄大寧與敵而興和亦廢開平孤立難守宣德中途徙衛獨石蹙國三百餘里正統獨石八城殘破而宣府遂爲極邊重鎮矣其山川糾紛地險而狹鎮分五路

鎮城領堡

一路 西路領萬全衛 萬全左衛 懷安城 堡九 南路領順聖西城 順聖東城 蔚州城

廣昌城

二路 堡四 北路領獨石城 龍門所城 長安嶺城 堡十五 中路領龍門城 堡十

東路領永寧城

懷來城 保安城 保安舊城 柳溝城 匏道城 堡十二

大同鎮

大同原古戎夷地夏商屬冀州周隸并州或爲代或爲趙漢置雲中郡西起了角東止陽和邊長六百四十餘里東北與諸和連袂西接突厥在九邊中稱絕塞焉明於諸邊率建墩列戍獨於大同設爲大邊二邊聯絡不已蓋有深意焉歲久傾圮乃棄而不守雲中重險盡失而跳梁莫禦遂歲見蹂踏君子有遺憾焉雖常苦衝而未嘗有異圖也及姦民邱富輩教以攻城之術於是雲中四境邊堡蕭然無復有存焉者極而至於石州之禍亦可覩也大邊之外卽爲豐州地多沃衍爲駐牧巢穴而驅掠之民亡命之徒日走集焉終明之世虎噬狼吞日驚烽燧兼之鎮兵豢養日久驕悍不馴兩逐王居交相詬噪甚者交通無忘

禦暴而反暴焉。夫狂瀾既潰，障蔽爲艱，積習相循，轉移無法，而國以淪亡。則大同之終不靖也。古魏尚李，廣之功，稱千古矣。領衛八所七堡五百八十三。

山西鎮  
天城衛 大同左衛 大同右衛 大同中衛 大同前衛 大同後衛 威遠衛 平虜衛

山西鎮卽太原省會，而北接宣大，蓋重門待暴之意。昔趙以李牧守雁門，兼有句注之地。至武靈王破東林樓，煩築長城以限匈奴。此地雖腹而實邊矣。明以山右爲肘腋，故建屏太原立三關以障之。正統以後，圉人不戒，邊釁滋張。北虜據東勝而三關困，西虜據河套而偏老危。澤潞太原汾代相繼犯而全省騷動。山西雖腹裏而不止邊，且爲衝邊矣。除郡縣列於山西省所領關三城五堡二十四。

鴈門關 寧武關 偏頭關 廣武城 北樓城 寧化城 老營城 河曲營城

真保諸關隘

舊以紫荆倒馬居庸爲內三關。後以居庸屬薊鎮，而真保一帶，則自爲鎮。駐真定，設憲臣宿重兵其間，西出井陘，則固關其外。土馬不能成列，卽韓信拔幟立幟處。迤而北，則龍泉折而東，則倒馬紫荆，遂界桑乾，實爲內鎮。其外則宣大。宣大有警，則真保戒嚴。况關皆平原曠衍，無高山大川爲之限隔，是一要邊也。以四關計之。

紫荆關領口七十有六，外一層城口五十有二，倒馬關領口一百七十有七，龍泉關領

口五十有一、固關領口九。

榆林鎮。

榆林舊治綏德。後棄魚河幾三百里。成化中徙鎮榆林堡築邊城。自黃甫川西抵定邊。亘千二百餘里。橫截套口內復塹山堙谷。是曰夾道形勝之地也。寇自是不渡河。得安耕牧。益以樵採園獵之利。稱雄鎮焉。久之寇入套爲巢穴。成化弘治正德屢有搜套之議而不果。鎮城四望白草黃沙。孤懸於外地。無穀產。商無通貨。一切芻糗仰給腹裏。弘治正德中布政文貴侍郎馮清改本色爲折色。重以災蠲民逋。動計百萬。以故鎮用大窘。倪岳許論嘗欲逆舟河渭轉漕於斯亦佳。議惜不行。其地險阻。將士懷忠長法死無怨言。勇敢有氣節。蓋將藪也。分路三。

東路領堡九、中路領堡十、西路領堡十有四。

寧夏鎮。

寧夏古朔方地也。漢屬北郡。漢唐置靈武郡。靈州故城在賀蘭山。明終棄之。其地賀蘭環其西北。黃河繞其東南。後魏薄骨津開河渠灌田。大獲其利。至今賴之。領衛五所。四營四堡十有八。

寧夏、寧夏中、寧夏後、左屯、右屯、中屯、前衛、平虜所、靈州所、興武所、韋州所。

清水營、小鹽營、玉泉營、廣武營、花馬池城隸。

固原鎮。

固原本戎羌地秦闢爲隴西郡明建臨鞏二府置衛所十二以司防禦而州縣則專綏民社其建自寧夏中衛而西而北折而南宛轉二千六百餘里蓋分陝之適中控制之上游也然黃河積石環於後蟠冢嘉陵距於前控番在岷而有洮陽疊川之隔禦虜在原而有金城烏蘭之壯偉哉山河之固金城之國也爲三秦門戶惟是抱罕河西之陬以及陰平武都之壤連帶蜀漢環拱諸羌而冉驪白馬禍唐宋之吐蕃不達又不特祇有虜患已也領衛五所三

靖虜衛領堡四口百二十蘭州衛領堡口三十河州衛領關二十有四所一堡三站七屯十

洮州衛領關五寨二堡二十有四岷州衛領所三寨七十堡八屯八十二西固守禦所領

城寨一十七階州所領堡十有三文縣守禦所領寨堡十

甘肅鎮

甘肅以甘州肅州而名故漢金城武威張掖酒泉四郡西控西域南隔戎羌北蔽邊塞蓋西郵孤懸絕塞也明初設哈密以爲捍衛卽漢武斷匈奴右臂之意自土魯番屢肆劫奪陝巴失守其部落皆散置關外而甘肅之藩籬旣頽迄無寧歲其地接祁連跨燕支連亘絲遠古匈奴失此地嘗歌曰亡我祁連使我六畜不蕃亡我燕支使我婦女無姿蓋卽此也領關一衛八所三

嘉峪關

甘州衛所一

堡八肅州衛所一

堡四涼州衛所一

堡八鎮番衛所二

堡八昇衛所一

莊浪衛

永昌衛所五

西寧衛所一

古浪守禦所

高臺守禦所

鎮夷守禦所

# 明書卷四十四

## 志三

### 厤法志一

史官論曰攷前代史書之言厤者十有二家獨司馬遷沈約宋濂有專書推步精確而班固范曄魏收唐太宗魏徵則兼言律大率窮極理數而非其法至劉羲叟之新唐書脫脫之宋史則列之天文志而歐陽修五代史僅及五星遼史第紀閏考夫亦各就所見而言之耳蓋治厤之事昧者若瞽明者若醫初有六家黃帝顓頊夏商周魯秦用顓頊漢因之或曰用殷故通鑑編年數日兩存之自武帝更造太初迄東漢凡四改自魏至隋凡十三改唐初至周末凡十六改宋前後凡十八改金熙宗至元末凡三改率皆行之不久而差差則改然天運本不能齊幾微渺末積而必差而欲一定之法齊之則必不能雖其勢乎不知測驗既真則於過不及之際聊一伸縮卽得而合焉必欲矯逞聰明作爲創獲鮮不貽譏來禦哉明興太祖首嚴欽若厤象之典吳元年聞括蒼劉基名聘至都爲太史令冬基率其屬高翼等上戊申大統厤洪武元年改太史院爲司天監尋以司天非欽崇天道之意更曰欽天立官屬詳職官志乃召集故元太史院使張佑等及回同司天監里的兒阿都刺等十四人明年又召鄭阿里等十一人至京師議厤

法占天象三年著令凡元象圖書非其職者不得習習者罪乃分欽天監官生人爲四科曰天文曰漏刻曰大統厤曰回回厯各專科肄焉乃築欽天監觀星臺於鷄鳴山回回欽天監於雨花臺凡歲厯成先期於十月一日上之曰大統厯中有御覽月令厯驛度厯王厯復有壬遁厯壬遁厯則御覽其事六十七曰祭祀祈福解除冠帶宴會招賢選將訓兵安撫邊境結婚姻進人口求醫療病入學興造動土豎柱上梁補垣繕城郭安碓礑開市立券交易沐浴安牀整手足甲緩刑獄施恩惠恤獨惄布政事捕捉施恩封拜覃恩肆赦頒詔雪冤枉賞賀遣使裁製上官赴任搬移開渠穿井修置產室納畜牧養取魚慶賜行幸掃舍宇整容剔頭納采問名行惠慶舉正直出軍征伐經絡求嗣上冊進表章修飾垣牆納財栽種臨政親民平治道塗出師詔命公卿築隄防宣政事營建宮室命將出師嫁娶畋獵王厯三十事中宮東宮親王同大約皆壬遁中事民厯三十二事而節氣躔次時刻種種務精確若回回厯起於西域以今考之其原實起於隋開皇十九年己未之歲其法則以二百五十日爲一歲歲有十二宮宮有閏日凡百二十有八年閏三十有一日又以三百五十四日爲一周周有十二月月有閏日凡三十年閏十有一日歷千九百四十年而宮月甲子再會其白羊宮第一日日月五星之行與中國春正定氣日之宿直同太祖取與中國厯相參推步尋以與大統相左革之其人令習大統法七年七月製觀星盤是年博士元統上言臣聞一代之興必有一代之厯隨時修改以合天道今厯雖以大統爲名而積分猶授時厯數况授時厯法以至元辛巳爲厯元至洪武甲子積一百四年以厯法推之得三億七千六百一十九萬九千七百七十

五分經云大約七十年而差一度每歲差一分五十秒辛巳至今年遠數益漸差天度擬合修改請以洪武甲子歲冬至爲麻元而七政則有遲疾順逆伏見之不同實難推演聞磨勘司令王道亨郭伯玉精九數之學頗徵令推算以昭一代之典上是其言尋擢爲監正乃以甲子爲麻元已監副李德芳上言故元至正辛巳爲麻元上推往古每百年長一日每百年消一日永久不可易也今監正元統改作洪武甲子麻元不用消長之法考得春秋晉獻公十五年戊寅歲距至元辛巳二千一百六十三年以辛巳爲麻元推得天正冬至在甲寅日夜子初三刻與當時實測數相合洪武甲子元正上距獻公戊寅歲二千二百六十一年推得天正冬至在己未日午正三刻比辛巳爲元差六日四時五刻當用辛巳元及消長之法方合天道疏奏元統復言臣所推甲子麻元實與舊法相合毫無差謬上曰二統皆難憑只驗七政交會行度無差者爲是後第以甲子爲麻元正統四年造渾天璣璣玉衡簡儀十一年令簡儀九道圭表壺漏並准南京作晷影堂以便窺測調品景泰中造簡儀銅壺至嘉靖三年光祿少卿管欽天監事華湘上言天子奉順陰陽治麻明時時以作事事以厚生而世從治也時苟不明將弦望晦朔失其節分至起閏乖其期無以該治生靈而世亂矣夫麻數之行代有作者曷嘗不廣集衆思人無遺策法無遺巧期於永久不變也哉然不數歲而輒差麻所以差由天周有餘而日周不足也日之差則驗於中星堯冬至昏昴中而日在虛七度躔元枵之子今冬至昏室中而日在箕三度躔析木之寅計去堯三千餘年而差五十度矣再以赤道攷之勝國至元辛巳改麻天正冬至赤道歲差一度五十秒今退天三度五十二分五十秒

矣。黃道歲差九十二分九十八杪。今退天三度二十五分七十四杪矣。故洪武中元統言麻。雖以大統爲名。而積分猶授時之數。年遠漸差。今距元辛巳及元統上言時。歲在洪武甲子。僅一百四十年。迄今則二百四十二年。授時麻法。每歲差一分五十杪。約七十年差一度。今合差三度餘矣。是以正德戊寅日食庚辰月食時。刻分杪起復方位。多與監官推算不合。恭惟皇上入繼大統之年。適興元革命改憲之年。合則調元正麻。固有待於今日也。臣伏窺古今善治麻者三家。漢太初以鍾律。唐大衍以蓍策。元授時以晷影。而晷影爲近。其所因者本也。欲正麻而不登臺測景。竊以爲空言。臆見耳。伏望許臣暫住朝參。督同臣監官及掄選疇人子弟。諳本業者。及冬至前。詣觀象臺晝夜推測。日記月書。至來年冬至。以驗二十四氣。分至合朔。日躔月離。黃赤二道。昏旦中星。七政四餘之度。視元辛巳所測。差次錄聞。詳定歲差。以成一代之制。其論歲差法。有曰。堯時冬至虛一度。夏至柳十四度。春分胃十二度。秋分氐十度。唐開元大衍麻。冬至斗十度。夏至井十度。春分奎七度。秋分軫十四度。宋麻元麻。冬至斗二度。夏至井十六度。春分奎初度。秋分軫七度。此歷代之麻可驗者如此。然雖有進退。其度不出次舍前後。蓋天運星行動體也。未免前郤不齊。麻家步算。乃死法耳。安得與天相符。故曰歲差。後世修改。求合夫天。不得不然。漢自鄧平改麻。後洛下閼八百年。當差一度。當時史官攷諸上古中星。已差五度。而閼未究。蓋古爲麻者。未有歲差之法。其論冬至躔宿。一定不移。不知天日會餘分。積久必爽。今歲冬至日躔。視去歲恆不齊。至晉虞喜始覺其差。乃以天爲天。歲爲歲。立差法以追其變而算之。約以五十年而退一度。然失之太過。宋何承天倍增其數。約

以百年退一度而又不及至隋劉焯取二家中數以七十五年爲近之然未甚密至唐僧一行乃以大衍  
麻推之得八十三年而差一度自唐以來皆宗其法至元郭守敬算之約六十六年而差一度算已往減  
一算算將來加一算而歲差始爲精密至今二百餘年每有不合嗟乎天動物也進退盈縮未免不齊一  
定之法顧可拘執哉况法自有權宜者如定歲之法四期餘一日之數分於四期則二至之定每疑於絲  
忽之間須酌量以定無常準定日之法一日變爲九百四十晝以氣朔有不盡之數難分也每月三十日  
而二氣盈四百一十一晝二十五杪一朔虛四百四十一晝積盈虛之數以成閏故定朔必視四百四十  
一晝之前後以爲眺朢故定朔每疑於一晝之間亦須酌量以定無常準如日月交食之法時刻分秒最  
爲精微其至半秒難分之處亦須酌量以定無常準故至之絲忽朔之一晝食之半秒積之歲久則皆差  
失不合原算矣而日官周濂請驗交食以更麻元後禮部員外郎鄭繼之嘗以月食分秒不協亦上言請  
改麻元則其疏全以華湘歲差之議入告而支大綸則議以爲按授時麻法雖起於至元辛巳而不以辛  
巳爲麻元其法以七千二百五十七萬六千爲一元之中平分天地人三元每元計二千四百二十九萬  
二千自太乙甲子自嘉靖四十三年甲子已五千二百九十五萬八百四十矣是天地二元也今當一千  
九百六十一萬七千六百已在人乃後推將來每年增一前考已往每歲減一是以太乙甲子爲麻元而  
不從辛巳起也今以辛巳爲麻元者麻家以世遠數分而難於竟功故截去始元而以辛巳耳歲差之法  
起於子半虛六度約下十六年而退一度自堯至洪武甲子退四十九度五十七分故冬至日躔箕七度

七十七分正統甲子退五十度四十一分故冬至日躔箕六度九十六分弘治甲子退五十一度二十分故冬至日躔箕六度十三分嘉靖甲子退五十二度七分故冬至日躔箕五度三十分以後每度約退一分三十八秒四十九微自嘉靖至萬曆六十一年又退九十三分非復元之舊矣至懷宗中以日食分刻西儒與欽天監所算不同監正戈近亨反復辯論而西儒頗合上是其議遂於東長安街開麻局建觀星臺以內閣大學士徐光啓領其事選疇人子弟受西儒法成書賜名崇禎麻書圖象工巧推算精密會喪亂不果行今惟以大統麻法著於是篇其同於元史授時者不載卽有同處亦必用之法不得不錄而元史有其法無其數者增列之七政麻茲詳日月定度外五星雖見之五代史而有其數無其法元史具兩法而無成局至四餘則諸史所不載故特增之以存明麻法之梗概云

# 明書卷四十五

## 志三

### 厤法志二

大統厤推算成法。

求中積分。

置歲實以所距積年爲法乘之。

歲實三百六十五萬二千四百二十五分。

求通積分。

置中積加氣應爲通積。△氣應五十五萬六百分。

求天正冬至。

置通積滿紀法去之。餘得冬至日及分秒。

若求次年冬至加通餘滿紀法去之。

紀法六十萬。

通餘五萬二千四百二十五分。

求次氣。

置冬至日及分秒以氣策之累加之。

氣策一十五萬二千一百八十四分三十七秒五十微。

求閏餘凡閏餘一十八萬六千五百五十二分△九秒已上其年有閏

置中積加閏應滿朔實去之餘爲閏餘若求次年閏餘以通閏累加之滿朔實去之

閏應二十△萬二千△五十分。

朔實二十九萬五千三百△五分九十三秒。

通閏一十△萬八千七百五十三分八十四秒。

求天正經朔。

置通積減閏餘滿紀法去之餘爲天正經朔日及分秒。

又法置冬至全分減閏餘卽得不及減者加六十萬減之。

求弦望及次朔。

置天正經朔日及分秒以弦策累加之徑求望用望策求次朔用朔策

弦策七萬三千八百二十六分四十八秒二十五微。

望策一十四萬七千六百五十二分九十六秒五十微。

求盈縮厤。

置半歲周減閏餘。

冬至後爲盈。  
夏至後爲縮。

半歲周一百八十二萬六千二百一十二分五十秒。

求弦望及次朔盈縮厤。

置所得盈縮厤日及分秒以弦策累加之滿半歲周去之。

元是縮厤交入盈厤元是盈厤交入縮厤凡遇半歲周則縮交換一次若竟求次月以朔策累加之滿半歲周去之

求盈縮厤初末限。

視所得盈縮厤日及分秒盈者在盈初縮末限已下爲初限已上者反減半歲周餘爲末限縮者在縮

初盈末限已下爲初限已上者反減半歲周餘爲末限

盈初縮末限八十八日九千△九十二分二十五秒。

縮初盈末限九十三日七千一百二十△分二十五秒。

求盈縮差。

置盈縮末日分秒如無末以初分秒以立成各日下盈縮加分乘之得數定位加其下盈縮積度卽得以

萬

爲度不滿 盈初縮末冬至前後取 縮初盈末夏至前後取 盈初在冬至縮初在夏至  
爲分秒

求遲疾麻

置中積加轉應減閏餘滿轉終分去之餘在小轉中已下者爲疾麻已上者減小轉中餘爲遲麻

轉應一十三萬△二百△五分

轉終二十七萬五千五百四十六分

小轉中一十三萬七千七百七十三分

求弦望次朔遲疾麻

置所得遲疾麻日及分秒以弦策累加之滿小轉中去之元是疾麻交入遲麻元是遲麻交入疾麻

中遲疾交換一次若竟求次月以  
朔轉差累加之滿小轉中去之

朔轉差一萬九千七百五十七分九十三秒

求遲疾麻限數

置所得遲疾麻日及分秒以十二限二十分乘之得數定位滿萬爲一限若求次限於所推限數全分  
以限策累加之滿限總去之

限策九十△萬△六百八十三分△八秒六十五微

以十二限二十分乘弦策

限總一百六十八萬△八百三十分△六十秒。以十二限二十分乘小轉中。

求遲疾差。

置各遲疾麻日及分秒以立成各限下日率減之餘爲實以其下損益分乘之得數定位以八百二十除之得數定位益加損益其下遲疾積度卽得。如遇遲疾麻日及分秒數少不及減遲疾日率分者退前一限減之

又法置遲疾麻及分秒減立成各限下日率分餘爲實以其下損益新法乘之得數定位益加損減其下遲疾積度卽得。

求加減差。

置盈縮差與遲疾差同名相併異名相消。盈遲縮疾爲同名  
盈疾縮遲爲異名

以八百二十乘之以立成遲疾限下行度除之得加減差。

盈遲爲加差。  
縮遲爲減差。

盈疾者盈多爲加疾多爲減縮遲者縮多爲減遲多爲加。

又法置盈縮遲疾二差同名相併異名相消以各限下遲疾麻捷法乘之卽得。

求定朔及弦望日分秒。

置經朔弦望日及分秒以加減差加減之卽得。如干在日出分以  
下退一日命甲子。

求定朔弦望日辰。求節氣

日辰同

置各定朔弦望日及分秒命甲子算外一辰卽是。

若定弦望日辰必視盈縮厯日與冬至夏至日出分立成內相同積日下日出分如在定弦望小餘分已下者其日命甲子算外一辰如在已

上者當退一日而命

甲子定日。

甲子日乙丑日丙寅日丁卯日如此遞加至癸亥五十九日

求合朔時刻。與節氣時刻同

置定朔小餘分秒加二卽十二時乘得數滿萬爲一時起子時正算若時下小餘滿五千分半辰法者起於前位通

作一辰起子時初算外卽得時○求刻以時下小餘減二卽十二時除得數滿百爲刻一爲一刻二爲二刻。

三爲三刻四爲四刻空百卽爲初刻。又云如定朔小餘無千百止有十零數者卽命子時其刻數如下  
位列數前進一位用二除之或不進數或不及減者皆爲正初

求月大小

規定朔天干與次朔天干同者爲大月。不同者爲小月。無中氣爲閏月

求閏月。

視天正閏餘在閏限以上者爲有閏。卽以朔實減去閏餘。以月閏除之。卽得。

閏限一十八萬六千五百五十二分△九秒。

朔實內減通閏

月閏九千△百六十二分八十二秒。

以十二除通閏

求交泛。

置中積加交應減閏餘滿交終分去之。卽得。

交應二十六萬△三百八十八分。

交終分二十七萬二千一百二十二分二十四秒。

求次朔望交汎。

置所得交汎日及分秒。以交望累加之。滿交終分去之。卽得。

若徑求次月以交朔差累加之。

交望一十四日七千六百五十二分九十六秒五十微。

交朔差二日三千一百八十三分六十九秒。

求虛法卽減之

視經朔小餘分秒如在朔虛已上無虛四千六百九十四分△七秒已下者爲有虛置有虛經朔小餘分秒以朔虛除三

去零六十三分九十一秒乘之得數復加經朔大餘日滿紀法去之命甲子算外一辰卽朔虛日若求次虛日者

以所得朔虛日及分秒累加虛策卽得

虛策二日九千一百△四分二十三秒

古法置有虛經朔小餘分秒以三十日乘之又以朔虛除之得數加經朔大餘日卽得

朔虛四千六百九十四分△七秒

求盈法卽沒日

視各恆氣小餘分秒如在盈限七千八百一十五分六十二秒半已上者爲有盈已下無盈置策餘十五除一萬△氣策

一百四十五分六十二秒半減有盈氣小餘分秒餘爲實以六十八分六十六秒乘之得數加恆氣大餘日滿紀法去之命甲子算外一辰卽氣盈日若求次盈日者以所得氣盈日及分秒累加盈策卽得

盈策九萬六千六百九十五分二十八秒

古法置有盈恆氣小餘分秒以一十五日乘之減氣策一十五萬二千一百八十四分三十七秒半餘爲實以氣盈除之得數加其恆氣大餘日卽得氣盈二千一百八十四分三十七秒五十微

求土旺

置四季中氣日及分秒減土旺策各得其季土始用事日土旺策三萬△四百三十六分八十七秒半又法置四季節氣大小餘分加土旺差一十二日一千七百分滿紀法去之

求直宿分

置通積減閏餘滿宿實累去之餘爲直宿分

宿實二十八萬

求各分直宿分

置所得直宿分以宿策累加之滿宿實去之

宿策一萬五千三百△五分九十三秒

求各月定直宿次

置所得各種宿分以其朔下加減差加減之皆命虛宿算外卽得

起二十八宿歌。

一八十五念二九。每月常將艮爲首。除了坎宮一字。八卦便向循還走。大月雙加小月單。

二十八宿順鋪難。失了源頭無處尋。記取正月一日閒。

寅午戌星心室參角牛胃 亥卯未昴張尾璧井亢女 己酉丑房危觜軫斗婁柳 中子辰虛畢翼箕胃

奎鬼氏

赤道宿度。三百六十五度二  
十五分七十五秒。

角十二。一十九。二十一。氏十六。三房五。六十。心六。五十。尾十九。一十。箕十。十四。

東方七宿共七十九度二十分。

**斗二十五。二牛七。二十一。女十一。三十。虚八。九十五。四十五。太。危十五。四室十七。一璧八。十六。**

北方七宿共九十三度八十三分太

井三十三。三鬼二。二柳十三。三星六。三張十七。二十翼十八。七十軫十七。三十

南方七宿共一百△八度四十分。

求冬至日躔赤道宿度。

置中積加周應爲通積滿周天分去之不盡命起子中虛宿六度外依各宿度去之卽不滿宿卽所求冬至加時日躔赤道宿度及分秒。又滿尾宿總度去之卽是

周應三百一十五度十△分七十五秒。

尾宿總度三百△度十△分七十五秒。此虛九起至尾十  
九度一十分總數

一法置歲差一分五十秒以積年乘之得數用減周應餘減去尾宿總度卽得。

求四正赤道日度。

置天正冬至加時赤道日度累加象限滿赤道宿次去之各得春夏秋正所在宿度及分秒。

黃道宿度三百六十五度二  
十五分七十五秒

角十二八十亢九五十氐十六四十房五四十心六二十尾十七九十箕九五十

斗二十三四十牛六九女十一十虛九△△危十五九十室十八三十壁九三十

東方七宿共七十八度十二分。

北方七宿共九十四度一十分太。

奎十七八十七、婁十二三十、胃十五八十、昴十一一、畢十六五、觜初八、參十二十、  
六十一、十十八、五二十一、八二十二、

西方七宿共八十三度九十五分。

井三十一三、鬼二二、柳十三三、星六三十、張十七七十、翼二十八、軫十八五十、  
九十九、

南方七宿共一百△九度△八分。

求冬至日躔黃道宿度分秒。

置天正冬至加時赤道日度以立成內赤道度減之。不及減者退一度減之 餘以黃道率乘之。如赤道率而一所得定位以加其下黃道積度卽得。

求四正黃道積度。

麻家第  
三格

置天正冬至黃道宿度爲冬至黃道積度以冬至黃赤道差乃赤道與黃道相減餘數 與次年冬至黃赤道差相減餘四而一所得加八歲周象限爲定象度累加冬至赤道積滿周天分去之各得所求。

求四正黃道日度分秒。

以所得四正黃道積度滿黃道宿次去之至不滿宿卽得。

求四正定氣日

見等規一格

置四正恆氣日及分秒。冬夏以恆爲定。春分減盈縮差。秋分加盈縮差。各得所求。

盈縮差二日四千△一十四。

一法以冬至加盈初縮末限爲春正。又加縮初盈末限爲夏正。又加縮初盈末限爲秋正。

求四正相距日。厯家第  
二格

以四正定氣日用減後正定氣日。不及減者加  
旬周減之餘加一句周。卽得。

求四正黃道積度。

置四正定氣日小餘。以其日行度乘。如日用萬  
分而一所得爲減分。第四  
格以減四正黃道積度。卽得四正晨

前後半黃道積度。第五  
格日行度。

冬至用盈初縮末初日下一度△五一△八五。

夏至用縮初盈末初日下△度九五一五六。

春正視相距日。如九十三日。用縮初盈末九十三日下初度九九九七△三。如九十四日。用縮初盈末

九十四日下一度△△△△△△△。

秋正視相距日如八十八日用盈初縮末八十八日下一度△△△五△五九如八十九日用盈初縮末八十九日下一度△△△△△。

求四正晨前夜半黃道日度。第六格

置四正晨前夜半黃道積度滿黃道宿度去之至不滿宿卽得。

求四正夜半黃道相距度。

置推得四正夜半黃道積度用減後正夜半黃道積度不及減者加周天分減之餘卽前後正定氣日所求者。

求四正黃道日差法。

累相距之日行定度與相距度相減餘爲實如相距日而一則是相距度多爲加少爲減。

秋分距冬至行定度八十八日行定九十△度四十△分△九秒。三五六八

八十九日行定九十一度四十△分一十四秒。四一六一

春分距夏至行定度九十三日行定九十△度五十九分九十△秒。五九八九四七三九

九十四日行定九十一度五十九分八十七秒。五九八六四六六八  
△度九五一五一六

求四正後每日晨前夜半黃道日度及分秒。

置四正後每日行度以日差加減爲每日行定度累加四正晨前度半黃道日度滿宿次去之即得。

求每日午中黃道日度。

置其日行定度半之以加其夜半黃道日度即得。

黃道十二次宿度定局。

危十二度六十四分九十一秒。

入娵訾之次辰在亥。

奎一度七十三分六十三秒。

入降婁之次辰在戌。

胃三度七十四分五十六秒。

入大梁之次辰在酉。

畢六度八十八分△五秒。

入實沈之次辰在申。

井八度三十四分九十四秒。

入鶉首之次辰在未。

柳三度八十六分八十八秒。

入鶉火之次辰在午。

張十五度二十五分△六秒。

入鶉尾之次辰在巳。

軫十△度△七分九十七秒。

入壽星之次辰在辰。

入大火之次辰在卯。

入析木之次辰在寅。

入星紀之次辰在丑。

入玄枵之次辰在子。

氐一度一十四分五十二秒。  
尾三度△一分一十五秒。  
斗三度七十六分八十五秒。  
女二度△六分三十八秒。

求八十二次時刻。

各置八次宿度及分秒。以其日晨前夜半日度減之。餘以日周乘之爲實。以其日行定度爲法。實如法而一所得。依發斂加時求之。即得。

# 明書卷四十六

## 志二

### 麻法志三

大統曆推日月交食成法。

驗日月食限。萬爲日千爲十  
刻百爲一刻

陽食入交定局。視定期  
下交訊

在△△日五十刻已下不食。

在二十六日△二刻已上日月皆食。

在十三日△△刻已上日月皆食。

在十四日七十五刻已下日月皆食。

在△△日五千四百五十五分已下日月皆食。

在二十五日六一五一分已上日月不食。

在十二日△△八九已上日月不食。

在十四日一五一六已下日月皆食。

陰食入交定局。

視定望  
下交汛

在△一日二十五刻已下日月不食。

在二十六日△二刻已上日月皆食。

在十二日四十二刻已上月食。

在十四日七十五刻已下日月皆食。

在△一日一八七二已下食以上不食。

在二十六日△二四九已上日月皆食。

在十二日四一八九以上食以下不食。

在十四日七九三三以上食以下不食。

又在交望一十四日七六五二九六五已下食已上不食。

又在交終二十七萬二一二二二四已下食已上不食。

又在交中一十三萬六△六六一二已下食已上不食。

右日月食限如日食定朔小餘分在夜刻。月食定望小餘分在晝刻。卽同不食。又與各交汛大餘數。

同者食不同者不食。

凡已上已下指小餘而言。萬已上爲大餘千已下爲小餘。

驗日食在夜月食在晝。

凡日食定朔小餘在一千二四九已下八千八四九已上爲食在夜刻。起亥初初刻止丑正四刻。凡月食定望小餘在三千△一六已上七千△八千已下爲食在晝刻。起辰初初刻止申正四刻。凡推日食成法。

推日食合用數。

經朔全分 盈縮麻全分 錢縮差全分 遲疾麻全分 限數 遲疾差全分 加減差全分 定朔全分 交泛全分 定入遲疾麻全分 定限 定限行度 日出分 半晝分 日入分 歲前冬至加時黃道宿次度分。

右凡推日食俱要逐一先錄出以備取算元是盈麻書盈元是縮麻書縮小餘皆止乎微惟交常度當全錄。

求交常度。

置有食之朔下交泛全分以月平行度乘之得是。

月平行一十三度三十六分八十七秒半。

求交定度。

置交常度全分以盈縮差盈加縮減之則得。

推日食正交中交限度。

觀交定度全分如在七度已下或三百四十二度已上者皆爲食在正交如在一百七十五度已上二百

△二度已下者皆謂食在中交。不在限  
內不食

求中前中後分。

視定朔小餘分在半日周已下者用減半日周餘爲中前分如在半日周已上者減去半日周餘爲中後分半日周五千分

求時差分。

置半日周減去中前或中後分餘爲法以乘中前中後分得數如九千六百分而一即是。

求食甚定分。

視推得時差分中前以減中後以加皆加減定朔小餘則是。

求距午定分。

置中前或中後分加時差則是。

求食甚入盈縮麻分。

置經朔入盈縮麻日及分秒。加入定朔大餘及推出食甚定分減去經朔大小餘全分餘則是元是盈縮爲盈縮定度分。

元是縮麻爲縮麻定度分

求食甚入盈縮麻差度分。

置食甚入盈縮麻定度全分以立成各日下盈縮如分乘之得數定位加其下盈縮積度滿萬爲度不滿爲分秒。如遇未麻用反減半歲周之數。

求食甚入盈縮麻行定度分。

置食甚入盈縮麻定度全分以推出盈縮麻差分盈加縮減則是。

求南北泛差。

視食甚入盈縮麻行定度全分如在周天象限已下爲初限已上用減半歲周餘爲末限自相乘得數如一千八百七十而一爲度不滿退除爲分秒用減四度四十六分餘爲南北泛差。  
象限九十一度三十一分四十三秒七十五微。

半歲周一百八十二度六十二分一十二秒半。

求南北定差。

置南北泛差全分以推得距午定分乘之得數如半晝分而一則是在盈初縮末者正交減中交加在縮初盈末者正交加中交減

求東西泛差

視食甚入盈縮麻行定度分與半歲周相減餘數與定度分相乘定位如一千八百七十而一爲度不滿退除爲分秒則是

求東西定差

置東西泛差全分以推得距午定分乘之以日周四分之一除之則是若在泛差已上者倍汎差減之餘爲定差 日周四分之一二千五百 在盈麻中前者正交減中交加 在盈麻中後者正交加中交減 在縮麻中前者正交加中交減 在縮麻中後者正交減中交加

求正交中交定度分

視食在正交者置正交度在中交者置中交度以南北東西二定差加減之則是○正交三百五十七度六十四分○中交一百八十八度△五分

求日食入陰陽麻去交前交後度分

視所得交定度如在中交限已下用減中交限度餘爲陽麻交前度已上者減去中交限度餘爲陰麻交後度○如在正交限已下用減正交限度餘爲陰麻交前度已上者減去正交限度餘爲陽麻交後度

及分秒

求日食分秒。

置所得交前交後度。如在陽厤用減陽食限六度。不及減者不食餘爲實。如定法六十而一。如在陰厤用減陰食

限八度。不及減者不食餘爲實。如定法八十而一爲日食分秒。

求日食定用分。

置推得日食分秒與日食二十分相減。餘有爲實。以日食分秒乘之爲開方積。以平方法開之爲開方數。用五千七百四十爲法乘之。如定限行度而一。則是○定限行度內視立成定限日下遲疾行度。是遲用遲。是疾用疾。內減去日行八分二十秒。餘卽得。

求初虧分并時刻。

置食甚定分減去定用分。餘爲初虧分。依發斂術推之。得食甚時刻。

求食甚分并時刻。

置食甚定分。依發斂術推之。得食甚時刻。

求復圓分并時刻。

置食甚定分加入定用分爲復圓分。依發斂術推之。得時刻。

求日食所起方位。

視日食入陰陽麻交前後度。若在陽麻。初虧西南。甚於正南。復圓東北。若食八分已上。或是陰麻。或是陽麻。皆初起正西。復圓正東。此據午地而言。

驗日有帶食。

視其日日出入分在初虧已上食甚已下者。俱有帶食。

求帶食分秒。

食在晨刻。日出分在初虧分已下。食甚分已上。將初虧分與日出分相減。餘爲實。以日食分秒乘之。如定用分而一爲日未出已食分秒○。食甚分與日出分相減。餘爲實。以日食分秒乘之。如定用分而一爲日已出見食分秒○。若先得未食分秒。以減日食分餘。爲見食分秒。不必再求。下倣此。或日出分在食甚分已下。將食甚分與日出分相減。餘爲實。以日食分秒乘之。如定用分而一爲日已出見復光分秒。

食在昏刻。日入分在食甚分已下。復圓分已上。將食甚分與日入分相減。餘爲實。以日食分乘之。如定用分而一爲日未入見食復光分秒○。復圓分與日入分相減。餘爲實。以日食分乘之。如定用分而一爲日已入不見復光分秒○。或日入分在日食分已上。將初虧分與日入分相減。餘爲實。以日食分秒乘

之如定用分而一爲日未入見食分秒○食甚分與日入分相減餘爲實以日食分乘之如定用分而一爲日已入不見食分秒。

求食甚日躔黃道宿次度分秒。

置食甚入盈縮麻定度。如在盈麻就爲定積。在縮麻加半歲周爲定積。加入歲前天正冬至加時黃道宿度分秒。按黃道宿次從箕一度起以減定積餘則是。

推月食法。

諸合用數同日食。但易以經望全分定望全分晨分昏分餘同。

求交常度。

置有食之望下。餘同  
日食 月平度。見  
前

求交定度。

置交常度全分盈加縮減其盈縮差分爲交定度不及減者加交終度減之○交終度三百六十三度七  
五四一九。

求卯酉前後分。

視定望小餘在日周四分之一已下爲卯前分已上用減半日周餘爲卯後分如在日周四分之三已下。

減去半日周爲西前分。已上用減日周餘爲西後分。○日周一萬。○半日五千。○日周四分之一二千五百。○日周四分之三七千五百。

求時差分。

以推得卯前卯後或酉前酉後分減日周餘數則是。

減餘以百約之千分爲十分百分爲單分

○又法以卯酉前後分自乘四萬

七千八百而一則是。

求食甚定分。

置定望小餘全分加時差分則是。

求食甚入盈縮麻分。

置經望入盈縮麻日及分秒加入定望大餘及食甚定分減去經望大小餘全分餘則是。元是盈麻同日食元是縮麻同日食

推。

求食甚入盈縮差分。

置食甚入盈縮麻定度分止用小餘以立成各日下盈縮加分乘之得數定位以加其下盈縮積度滿萬爲度不滿爲分秒。

求食甚入盈縮麻行定度分秒

同日食推。

求月食入陰陽麻。

視交定度。如在交中已下爲入陽麻。已上減去交中度。餘爲入陰麻。○交中度一百八十一度八九六七。

求月食交前交後度。

視所得入陰陽麻。在後準一十五度五已下爲交後。如在前準一百六十六度三九六八已上。以減交中

度。餘爲交前度。

求月食分秒。

以去交前後度。  
不用南北東西差。用減月食限一十三度△五分。  
不及減者不食。餘爲實。如定法八十七而一則是。  
月食在十

分以下。只用三限辰刻法。若在十分已上。用既內既外五限辰刻法。

月食三限。初虧。食甚。復圓。

月食五限。初虧。食既。食甚。生光。復圓。

求月食定用分。

置推得月食分秒。與月食三十分相減。餘數與月食分秒相乘。定位爲方積。依開平方法開之。得開方數。

又以四千九百二十乃六因八刻  
二十分數爲法乘之得數定位。如本日定限行度而一則是。定限行  
度見前

求初虧分并時刻。

以定用分減食甚定分爲初虧。依發斂術推之則得。

不及減者如日  
周一萬減之

求食甚分時刻。

置食甚定分。依發斂術推之即得。

求復圓分及時刻。

以定用分加食甚定分爲復圓分。依發斂術推之即得。已上三限  
辰刻法

求既內分。

此以下五限辰刻法。  
月食十分已上用之。

視月食十分已上者。減去十分。以單分秒與十五分相減。餘數相乘。爲五限開方積。依開平方法開之。爲五限開方數。以四千九百二十乘之。如定限行度分而一即是。初虧分。與前同求既外分。以既內分減定用分則是。求食既分。以初虧分加入既外分爲食既分。依發斂術推之得時刻。求食甚分。以食既分加入既內分即是。求生光分。以食甚分加入既內分爲生光分。依發斂術推之得

時刻 求復圓分 以生光分加入既內分卽復圓分滿一萬去之依發斂術求時刻

求月食入更點 五限三限同

視推得食甚入盈縮厰元是盈厰初末用冬至後縮厰初末用夏至後各日晨分倍之以五千分爲法而一爲更法又五百分爲法而一爲點法

求初虧更點

視推得初虧全分如在晨分已下加入晨分昏分已上減去昏分餘以更法除之爲更不盡以點法約之爲點食既食甚生光復圓更點倣此

求月食起復方位

視月食在陽厰初起東北甚於正北復圓西北在陰厰初起東南甚於正南復圓西南食八分已上者不問陰陽厰皆起於正南復圓正西此皆據午地而言也

驗月有帶食

視其日月出分在初虧已上食甚已下者俱有帶食

求帶食分秒

食在昏刻日入分在初虧分已上食甚分已下將初虧分與食甚分相減餘爲實以月食分秒乘之如定

用分而一爲月未出已食分秒○食甚分與日入分相減餘爲實以月食分秒乘之如定用分而一爲月已出在天見食分秒若先得未見食分秒以減月食分餘即見食分秒不必再求下倣此或日入分在食甚分已上將食甚分與日入分相減餘爲實以月食分秒乘之如定用分而一爲月未出已復光分秒○復圓分與日入分相減餘爲實以月食分秒乘之如定用分而一爲月已出在天見復光分秒

食在晨刻日出分在食甚分已上復圓分已下將食甚分與日出分相減餘爲實以月食分秒乘之如定用分而一爲月未入在天見食復光分秒○復圓分與日出分相減餘爲實以月食分秒乘之如定用分而一爲月已入不見復光分秒○或日出分在食甚分已下將初虧分與日出分相減餘爲實以月食分秒乘之如定用分而一爲月未入在天見食分秒○食甚分與日出分相減餘爲食以月食分秒乘之如定用分而一爲月已入不見食分秒

求食甚月離黃道宿次度分秒

置食甚入盈縮麻行定度如在盈麻加半周天一百八十二度六二八七五爲定積在縮麻加半歲周一  
百八十二日六三一五更加半周天滿周天三百六十五度二五七五去之爲定積各加入歲前冬至  
加時黃道宿度分秒按黃道宿次從箕一度起以減定積餘則是

一法如在縮麻減七十五秒爲定積加半歲周半周天較減一周天少七十五秒故也

# 明書卷四十七

## 志三

### 厤法志四

大統厤名義定數及釋文。

#### 正步法

#### 步氣朔

歲周三百六十五日二千四刻二十五分。實此一歲日與天會之數。

測

歲實三百六十五萬二千四百二十五分。卽歲周對法而言謂之實。

通餘五萬二千四百二十五分。歲實內滿旬周六去之餘數。

朔策二十九日五十三刻△五分九十三秒。月與日會一次日數。

朔實二十九萬五千三百△五分九十三秒。卽朔策以數計。

通閏一十△日八千七百五十三分八十四秒。歲周內減去十二朔策。

氣策一十五日二千一百八十四分三十七秒半。以歲周分爲二十四。

望策一十四日七千六百五十二分九十六秒半。半朔策乃半月數。

弦策七日三千八百二十六分四十八秒少。四除朔策。

沒限七千八百一十五分六十二秒半。以十六日內減氣策餘數。

氣盈二千一百八十四分三十七秒半。氣策減十五全日餘數。

盈策九日六千六百九十五分二十八秒。

朔虛四千六百九十四分△七秒。以三十日內減朔策餘數。

虛策二日九千一百△四分二十三秒。

旬周六十萬。卽紀法  
六十日 甲子一周之數。

氣應五十五萬△六百。卽五十五  
日△六刻 以每歲冬至日分秒。卽次年氣應不用積年。

閏應二十△萬一千八百五十分。卽二十日一十  
八刻五十分 每歲閏餘。卽次年閏應不用積年。

步發斂。

貞策三日△四百三十六分十七秒半。卽土  
正義 五除歲周減去五氣策餘數。

月閏九千△六十二分八十二秒 十二除通閏。

併二氣策內減朔策亦同

閏限一十八萬六千五百五十二分△九秒 脈實內減通閏。

辰法一萬 以小餘十二乘滿萬爲一辰。

若加二正用千爲辰法

半辰法五千 以小餘十二乘滿萬爲一辰 五千分命起子初。

刻法一千二百 不滿辰法以十二除爲刻法。

### 步日躔

周天數。

見前

以三百六十五度四分度之一倍之減歲周卽得。

周天分三百六十五萬二千五百七十五分。

半周天。

見前

像限九十一度三十一分四十三秒太 乃周天四之一。

歲差一分五十秒 周天內減歲周餘數。

半歲周一百八十二日六二二五 以歲周半之。

氣象限九十一日三千一百△六分二十五秒 賽周四之一。

盈初縮末限八十八日九千△九十二分二十五秒。

冬至抵春分前三日日行周天一象。  
秋分後三日抵冬至日行周天一象。

氣象限內減盈縮極

差二日四千△一十四。

縮初盈末九十三日七千一百二十△分二十五秒。

春分前三日至夏至日行周天一象。  
夏至抵秋分後三日日行周天一象。

氣象限加盈縮極差

二日四千△一十四。

周應三百一十五萬一千△七十五分。

一名  
度應

步月離。

轉周二十七日五十五刻四十六分。此月行一周天之數。

轉終分二十七萬五千五百四十六分。卽轉周。

轉中一十三日七千七百七十三分。半轉終。

月平行度。見前

周限三百三十六。以十二限二十分乘轉周。中限半之。象限又半於中限。  
限平度一百△九分六十二秒。以限刻八百二十分乘月平行度百約之。  
轉差一日九千七百五十九分九三。以朔實減轉周餘數。

弦七日三十六刻二十六分四十八秒少。卽步氣朔內數。

上弦九十一度三一四三太。周天象限。

望度卽半周天。見月食

末段

下弦二百七十三度九十四分三十一秒少。周天四之三。

太陽限行八分二十秒。

轉應一十三萬一千九百△四分。

先以元至元辛巳歲前十一月經朔距入轉日用一十三萬△二百△五分後以洪武甲子冬至爲原元照原數扣算。

步交會。

交周日二十七日二十一刻二十二分二十四秒。

交終分二十七萬二千一百二十二分二十四秒。卽前數。

交中一十三日六千△六十一分一十二秒。卽前數之半。

交差二日三千一百八十三分六十九秒。朔實內減交終分。

交望卽望策。見前

交終度三百六十三度七十九分三十四秒一九六。以月平行度乘交周。

交中度一百八十一度八十九分六十七秒△九八。卽前數之半。

正交度三百五十七度六十四分。

中交度一百八十八度△五分。

日食陽厯限六度定法六十。十除食限  
得六十

十除食限  
得六十

日食陰厯限八度定法八十。十除食限  
得八十

十除食限  
得八十

月食限一十三度△五分定法八十七。十五除食限  
得八十七

交應二十六萬△一百八十七分八十六秒。元至元辛巳歲前十一月朔距入交  
日後用二十六萬△三百八十八分

# 大統曆先用後革捷法附錄

## 超年捷法

求冬至加通餘五萬二千四百二十五滿紀法六去之。

求閏餘加通閏一十△萬八千七百五三八四

求經朔加五十四萬三千六百七十一分一六十二朔實去紀法本年有閏加八十三萬八千九百七十七分△

九秒十三朔實去紀法俱滿紀法去之。

求盈縮麻加一百七十一萬七千四百五八六六十二朔實去半歲周季孟相接年加一十八萬六千五五二△九。

十三朔實去全歲周

求遲疾麻加九萬九千三百四六一六歲實減通閏去季孟相接年加一十一萬九千一百△六分△九秒。

歲周加一朔實減通閏端轉終分小轉中去之數

轉終分小轉中去之數

求交汛加六千△八十二分△四秒。

歲實減通閏去交終分

季孟相接年加二萬九千二百六十五分七三。

歲實加一朔實減通閏去

分交終

求冬至日躔赤道宿度減一分五十秒。

求冬至日躔黃道宿度減一分三十八秒五十微。

減積捷法。

減紀法卽旬周

一六減六。二六減十二。三六減十八。四六減二十四。五六減三十。六六減三十六。七六

減四十二。八六減四十八。九六減五十四。法尾至萬而止

減朔實。

一朔二十九萬五三△五九三。

二朔五十九萬△六一一八六。

三朔八十八萬五九一七七九。

四朔一百一十八萬一二二三七二。

五朔一百四十七萬六五二九六五.

六朔一百七十七萬一八三五五八.

七朔二百△萬七一四一五一.

八朔二百三十六萬二四四七四四.

九朔二百六十五萬七七五三三七.

減轉終分.

一轉二十七萬五五四六.

二轉五十五萬一△九二.

三轉八十二萬六六三八.

四轉一百一十△萬二一八四.

五轉一百三十七萬七七三△.

六轉一百六十五萬三二七六.

七轉一百九十二萬八八二二.

八轉二百二十△萬四三六八.

九轉二百四十七萬九九四一.

減交終分。

一交二十七萬二二二二三四。

二交五十四萬四二四四四八。

三交八十一萬六三六六七二。

四交一百△八萬八四八八九六。

五交一百三十六萬△六一一二△。

六交一百六十三萬二七三三四四。

七交一百九十△萬四八五五六八。

八交二百一十七萬六九七七九二。

九交二百四十四萬九一△△一六。

減周天分。

一周三百六十五度二五七五。

二周七百三十△度五一△五。

三周一千△九十五度七七二五。

四周一千四百六十一度△三△△。

五周一千八百二十六度二八七五。  
六周二千一百九十一度五四五△。  
七周二千五百五十六度八△二五。  
八周二千九百二十二度△六△△。  
九周三千二百八十七度三一七五。

減赤道積度。

角二百四十八度四△七五。  
亢二百五十七度六△七五。  
氐二百七十三度九△七五。  
房二百七十九度五△七五。  
心二百八十五度△△七五。  
尾三百△五度一△七五。  
箕三百一十五度五△七五。  
斗三百四十△度七△七五。  
牛三百四十七度九△七五。

黃道積度鈐。

箕九度五九△。

斗三十三度△六△。

牛三十九度九六△。

女五十一度△八△。

虛六十△度八七五。

危七十六度△三七五。

室九十四度三五七五。

璧一百△三度六九七五。

奎一百二十一度五一七五。

婁一百三十三度九二七五。

胃一百四十九度七三七五。

昴一百六十△度六九七五。

畢一百七十七度三一七五。

觜一百七十七度三六七五。

參一百八十七度六四七五。  
井二百一十八度六七七五。  
鬼二百二十△度七八七五。  
柳二百三十三度七八七五。  
星二百四十△度△九七五。  
張二百五十七度八八七五。  
翼二百七十七度九七七五。  
軫二百九十六度七二七五。  
角三百△九度五九七五。  
亢三百一十九度一五七五。  
氐三百三十五度五五七五。  
房三百四十一度△三七五。  
心三百四十七度三△七五。  
尾三百六十五度二五七五。

